

**BOSNA I HERCEGOVINA
FEDERACIJA BOSNE I HERCEGOVINE
Federalna agencija za upravljanje oduzetom imovinom**

IZVJEŠTAJ

**O RADU I FINANSIJSKO - MATERIJALNOM POSLOVANJU
FEDERALNE AGENCIJE ZA UPRAVLJANJE ODUZETOM IMOVINOM
ZA PERIOD 1. 1 – 30. 6. 2019. GODINE**

Sarajevo, juli/srpanj 2019. godine

SADRŽAJ

1. UVOD
2. NADLEŽNOSTI AGENCIJE
3. RUKOVOĐENJE I ORGANIZACIJA AGENCIJE
 - 3.1. Rukovođenje
 - 3.2. Organizacija
4. STRATEŠKI CILJ – Povećanje učinkovitosti svih procesa koji su direktno ili indirektno vezani za proces upravljanja oduzetom imovinom u skladu s legislativom i dobrom praksom Evropske unije
 - 4.1. Operativni cilj 1 – Očuvanje vrijednosti oduzete imovine
 - 4.2. Operativni cilj 2 – Učinkovito postupanje sa trajno oduzetom imovinom
 - 4.3. Operativni cilj 3 – Provođenje analiza u području oduzimanja imovinske koristi pribavljene krivičnim djelom
 - 4.4. Operativni cilj 4 – Unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama Zakona, kao i drugih pravnih subjekata u Bosni i Hercegovini, te uspostavljanje i unapređenje saradnje s istim ili sličnim agencijama iz zemalja regije i Evropske unije, kao i kontinuirana edukacija uposlenika navedenih institucija koji su direktno u vezi s procesom oduzimanja nezakonito stečene imovinske koristi
 - 4.5. Operativni cilj 5 – Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom
5. BUDŽET AGENCIJE
6. RAČUN POSEBNIH NAMJENA KOJIM UPRAVLJA AGENCIJA

Na osnovu člana 29. Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14), a u vezi sa čl. 17. i 18. Uredbe o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija („Službene novine Federacije BiH“, br. 89/14 i 107/14), te Zaključka Vlade Federacije Bosne i Hercegovine o usvajanju Plana rada Federalne agencije za upravljanje oduzetom imovinom za 2019. godinu V. broj: 1475/2018 od 12.12.2018. godine, direktor Federalne agencije za upravljanje oduzetom imovinom Vladi Federacije Bosne i Hercegovine p o d n o s i

IZVJEŠTAJ

O RADU I FINANSIJSKO – MATERIJALNOM POSLOVANJU FEDERALNE AGENCIJE ZA UPRAVLJANJE ODUZETOM IMOVINOM ZA PERIOD 1. 1 – 30. 6. 2019. GODINE

1. UVOD

Federalna agencija za upravljanje oduzetom imovinom (u daljnjem tekstu: Agencija) je nezavisna i samostalna upravna organizacija osnovana Zakonom o oduzimanju nezakonito stečene imovine krivičnim djelom („Službene novine Federacije BiH“, broj 71/14).

Propisi u Federaciji Bosne i Hercegovine koji definiraju ovu oblast, a samim tim utječu na rad Agencije, osim navedenog Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14 - u daljem tekstu: Zakon), su Krivični zakon Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05, 42/10, 42/11, 59/14, 76/14 i 46/16 i 75/17), Zakon o krivičnom postupku Federacije Bosne i Hercegovine („Službene novine Federacije BiH“, br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13 i 59/14), Zakon o izvršnom postupku Federacije Bosne i Hercegovine („Službene novine Federacije BiH“, br. 32/03, 52/03, 33/06, 39/06, 39/09, 35/12 i 46/16) i Pravilnik o postupku prodaje, najma, čuvanja i održavanja oduzete imovine („Službene novine Federacije BiH“, broj 5/16).

Pitanja koja se odnose na izvršenje novčanih kazni, sankcija za privredne presteupe, prekršajnih sankcija i mjera sigurnosti, a koje nisu regulisane Zakonom o izvršenju krivičnih sankcija u Federaciji Bosne i Hercegovine („Službene novine Federacije BiH“, br. 44/98, 42/99, 12/09 i 42/11), uređena su kantonalnim zakonima.

Na osnovu navedenih zakona i podzakonskih akata, Agencija preuzima i upravlja oduzetom imovinom nezakonito stečenom krivičnim djelom.

Agencija je samostalna federalna upravna organizacija koja ima svojstvo pravnog lica.

Zakon je utvrdio da je sjedište Agencije u Sarajevu.

U okviru svoje nadležnosti Agencija ima javna ovlaštenja za donošenje podzakonskih akata kojima se uređuje način djelovanja Agencije, pa je na osnovu tog ovlaštenja Agencija donijela Odluku o utvrđivanju kriterija obračuna troškova čuvanja i

održavanja privremeno oduzete imovine („Službene novine Federacije BiH“, broj 60/16), Uputstvo o načinu provođenja postupka javnog nadmetanja prodaje trajno oduzete imovine („Službene novine Federacije BiH“, broj 57/16) i Uputstvo o uspostavi, vrsti i sadržaju evidencija o upravljanju i raspolaganju nezakonito stečenom imovinom krivičnim djelom („Službene novine Federacije BiH“, broj 2/17).

Na radnopravni status osoba zaposlenih u Agenciji primjenjuju se odredbe Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06 i 4/12), Zakona o namještenicima u Federaciji Bosne i Hercegovine („Službene novine Federacije BiH“, broj 49/05), Zakona o radu („Službene novine Federacije BiH“, br. 26/16 i 89/18) i Kolektivnog ugovora za službenike organa uprave i sudske vlasti u Federaciji Bosne i Hercegovine (Službene novine Federacije BiH, broj 16/18).

2. NADLEŽNOST AGENCIJE

Nadležnosti Agencije utvrđene su članom 30. Zakona i to:

- upravljanje privremeno oduzetom i oduzetom imovinom po odredbama Zakona i drugih zakona;
- provođenje analiza u području oduzimanja imovinske koristi pribavljene krivičnim djelom;
- stručna edukacija iz područja finansijskih istraga i oduzimanja imovinske koristi pribavljene krivičnim djelom, i
- obavljanje i drugih poslova propisanih Zakonom.

Agencija u provođenju svojih nadležnosti obavlja sljedeće poslove:

- skladišti, čuva, prodaje, vrši najam imovine oduzete na osnovu Zakona. Ako za to postoji opravdana potreba, ovu imovinu Agencija može povjeriti na čuvanje drugoj instituciji o čemu se zaključuje poseban ugovor;
- vrši stručnu procjenu vrijednosti privremeno oduzete i oduzete imovine po odredbama ovog i drugih zakona;
- vodi evidencije o imovini kojom raspolaže i upravlja, sudskim postupcima u kojima se odlučuje o takvoj imovini;
- prikuplja od nadležnih institucija podatke, statističke izvještaje i druge informacije iz pravomoćno okončanih postupaka za oduzimanje imovinske koristi u skladu sa Zakonom, sa ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;
- prikuplja informacije iz sudskih registara, Porezne uprave, Registra vrijednosnih papira i drugih javnih registara koji se tiču vlasništva nad imovinom;
- vrši analize i procjene rizika sa ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela;
- objavljuje redovne i godišnje izvještaje o stanju u oblasti oduzimanja imovinske koristi pribavljene krivičnim djelom, te ih dostavlja Vladi Federacije Bosne i Hercegovine (u daljem tekstu: Vlada Federacije BiH) i Parlamentu Federacije Bosne i Hercegovine (u daljnjem tekstu: Parlament Federacije BiH);
- obavještava Vladu Federacije BiH i Parlament Federacije BiH o rezultatima analiza u području provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom;

- inicira i daje preporuke za unapređenje pravnih propisa u oblasti provođenja finansijskih istraga i oduzimanja imovinske koristi pribavljene krivičnim djelom;
- sačinjava prijedlog Strategije za oduzimanje imovinske koristi pribavljene krivičnim djelom u Federaciji Bosne i Hercegovine (u daljnjem tekstu: Strategija) i Akcionog plana za njeno izvršenje, te ih upućuje Vladi Federacije BiH i Parlamentu Federacije BiH na usvajanje;
- koordinira i prati provođenje Strategije i Akcionog plana, te daje mišljenja i preporuke za njihovo efikasnije provođenje i
- u saradnji sa drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom.

Agencija poslove iz svoje nadležnosti obavlja samostalno u granicama ovlaštenja utvrđenih Zakonom i drugim propisima, te u okviru raspoloživih finansijskih sredstava i odobrenog broja izvršilaca od strane Vlade Federacije Bosne i Hercegovine.

3. RUKOVOĐENJE I ORGANIZACIJA AGENCIJE

Rukovođenje Agencijom je utvrđeno u članu 26. st. (2) i (3) Zakona, dok su ovlasti direktora, poslovi organizacionih jedinica i ostala pitanja vezana za organizaciju, upravljanje i rukovođenje organizacionim jedinicama utvrđeni Pravilnikom o unutrašnjoj organizaciji Federalne agencije za upravljanje oduzetom imovinom na koji je Vlada Federacije BiH dala saglasnost Odlukom V. broj: 454/19 od 9. 5. 2019. godine („Službene novine Federacije BiH“, broj 31/19), kao i drugim pravilnicima i aktima koji se odnose na radne odnose i cjelokupno funkcionisanje Agencije.

3.1. Rukovođenje


Po Pravilniku o unutrašnjoj organizaciji Federalne agencije za upravljanje oduzetom imovinom, rukovodna radna mjesta su:

- direktor Agencije;
- sekretar Agencije;
- pomoćnik direktora u Sektoru za preuzimanje i upravljanje oduzetom imovinom;
- pomoćnik direktora u Sektoru za analizu, planiranje i informisanje, i
- pomoćnik direktora u Sektoru za pravne, kadrovske, opće i materijalno finansijske poslove.

U ovom izvještajnom periodu popunjena rukovodna radna mjesta su direktor Agencije, koji rukovodi radom Agencije i vrši poslove utvrđene članom 28. Zakona, pomoćnik direktora u Sektoru za preuzimanje i upravljanje oduzetom imovinom i pomoćnik direktora u Sektoru za analizu, planiranje i informisanje koji rukovode organizacionim jedinicama i u tom pogledu imaju ovlaštenja koja su utvrđena u članu 17. Pravilnika o unutrašnjoj organizaciji Agencije.


3.2. Organizacija

Pravilnikom o unutrašnjoj organizaciji Agencije, predviđeno je da poslove i zadatke izvršava 25 uposlenika, organizovanih u tri organizacione jedinice i to:



Grafikon 1: Organizaciona šema Agencije

Na kraju izvještajnog perioda poslove i zadatke u Agenciji obavlja 14 uposlenih, što je 56 % od ukupnog broja sistematizovanih radnih pozicija.



Grafikon 2: Procenat uposlenih u Agenciji

Svi poslovi iz nadležnosti Agencije koji su izvršeni u izvještajnom periodu su obavljani unutar navedenih organizacionih jedinica s raspoloživim brojem uposlenika.

4. STRATEŠKI CILJ

Federalna agencija za upravljanje oduzetom imovinom u skladu sa Zakonom o oduzimanju nezakonito stečene imovine krivičnim djelom nadležna je za izvršenje sudskih odluka o mjerama (privremenog) osiguranja imovinske koristi i sudskih presuda o oduzimanju nezakonito stečene imovine, odnosno upravljanje privremeno i trajno oduzetom imovinom u krivičnim postupcima. U skladu sa svojim nadležnostima Agencija ima za cilj održati vrijednost privremeno ili trajno oduzete imovine, koji se javlja kao imperativ u okviru postupka za oduzimanje imovinske koristi, gdje je naglašen princip „pažnje dobrog domaćina“.

Aktivnosti Agencije koje su realizovane u izvještajnom periodu su u skladu sa Godišnjim planom rada Agencije za 2019. godinu, koji se temelji na viziji Agencije da u toku 2019. godine unaprijedi sistemski, koordinirano i transparentno upravljanje oduzetom imovinom stečenom izvršenjem krivičnog djela.


Plan rada Agencije za 2019. godinu je definisao jedan strateški cilj - **Povećanje učinkovitosti svih procesa koji su direktno ili indirektno vezani za proces upravljanja oduzetom imovinom u skladu sa legislativom i dobrom praksom Evropske unije.**

Ostvarenje ovog strateškog cilja su u izvještajnom periodu podržavale aktivnosti iz pet operativnih ciljeva, koji su vezani za nadležnost i aktivnosti organizacionih jedinica Agencije, i to:

1. Očuvanje vrijednosti oduzete imovine;
2. Učinkovito postupanje sa trajno oduzetom imovinom;
3. Provođenje analiza u području oduzimanja imovinske koristi pribavljene krivičnim djelom;
4. Unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama Zakona, kao i drugih pravnih subjekata u Bosni i Hercegovini, te uspostavljanje i unapređenje saradnje sa istim ili sličnim agencijama iz zemalja regije i Evropske unije, kao i kontinuirana edukacija uposlenika navedenih institucija koji su direktno u vezi s procesom oduzimanja nezakonito stečene imovinske koristi i
5. Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom.

Agencija je u izvještajnom periodu postupala po 28 sudskih odluka i to 19 sudskih presuda u kojima je krivični postupak okončan i devet sudskih rješenja u kojima je krivični postupak još uvijek u toku, te zaprimila jednu sudsku presudu u svrhu informisanja od nadležnog suda.

Vrijednost imovine kojom je Agencija upravljala u periodu januar – juni 2019. godine iznosi **14.660.454,45** konvertibilnih maraka, a radi se o oduzetim novčanim sredstvima, dionicama, nekretninama, hotelu, studentskom domu, benzinskoj pumpi, motornim vozilima, građevninskom materijalu i drugo.



Grafikon 3: Struktura imovine kojom upravlja Agencija u izvještajnom periodu

Agencija je, u okviru svojih zakonskih ovlasti i obaveza, kao i učinkovitog izvršavanja povjerenih poslova, u sklopu planiranog strateškog cilja i operativnih ciljeva za 2019. godinu realizovala sljedeće aktivnosti:

4.1. OPERATIVNI CILJ 1 – OČUVANJE VRIJEDNOSTI ODUZETE IMOVINE

U toku postupka za oduzimanje imovinske koristi pribavljene krivičnim djelom, sud može na prijedlog tužilaštva u svim fazama ovog postupka odrediti mjeru osiguranja koja sadrži i mjeru privremenog oduzimanja imovine. Nakon što nadležni sud donese rješenje, privremeno oduzetom imovinom upravlja Agencija.

Nakon preuzimanja povjerene imovine, te izvršene procjene, Agencija pronalazi najefikasniji mehanizam čuvanja i upravljanja oduzetom imovinom s ciljem da sačuva integritet, sigurnost, vrijednost i namjenu imovine koja joj je povjerena, nakon čega dostavlja informaciju sudu koji je donio rješenje o poduzetim aktivnostima.

Pošto je Zakon predvidio više načina upravljanja, od skladištenja, čuvanja, iznajmljivanja, predaje u zakup, ustupanja na čuvanje ili korištenje, te postavljanje zastupnika ili privremenih upravitelja, odluku o modalitetu upravljanja Agencija donosi za svaki konkretan slučaj, uzimajući u obzir procjenu vrste, stanja, vrijednosti i namjene imovine, kao i drugih relevantnih faktora koji utiču na odabir načina upravljanja.

Kako su za upravljanje sa različitim oblicima imovine koji mogu biti predmet postupka potrebni posebni kapaciteti, resursi, znanja i procedure za očuvanje vrijednosti takve imovine, ključna funkcija Agencije u ovim slučajevima je da upravlja privremeno oduzetom imovinom u cilju očuvanja vrijednosti ove imovine.

Ono što je jako bitno prilikom čuvanja i upravljanja imovinom je da se očuva i zaštiti njena vrijednost koja je bila i prilikom preuzimanja od nadležnih organa. Narочito treba voditi računa da se ne ošteti imovina, za koju bi se prilikom vraćanja privremeno oduzete imovine pojavile razne tužbe za naknadu štete, radi umanjenja vrijednosti imovine do koje je došlo prilikom čuvanja.

U skladu sa svojim nadležnostima Agencija je u izvještajnom periodu, po zaprimljenim sudskim odlukama, poduzela sljedeće aktivnosti na očuvanju vrijednosti privremeno oduzete imovine:

Upravljanje privrednim društvima

Postupajući po **Rješenju Kantonalnog suda u Sarajevu, broj 09 0 K 026779 16 Kps od 12. 1. 2017. godine** i **Rješenju Vrhovnog suda Federacije Bosne i Hercegovine broj 09 0 K 026779 18 Kž 32 od 17. 1. 2019. godine**, kojim je izrečeno produženje privremene mjere osiguranja imovinske koristi i to do 17. 1. 2020. godine, prema optuženim licima u kojem su izrečene privremene mjere osiguranja imovinske koristi i to zabrana otuđenja i opterećenja osnivačkih udjela – osnivačkih kapitala privrednih društava **UMAX GROUP d.o.o. Sarajevo – benzinska pumpa, Emiran D.O.O. Sarajevo i Emiran Studentski dom – Univerzitetski hotel D.O.O. Sarajevo – hoteli**, Agencija je kao i u dosadašnjim izvještajnim periodima, putem upravitelja imenovanih u navedenim društvima, nastavila svoje poslovanje na tržištu.

Pošto je upravljanje privrednim društvima i očuvanje njihove vrijednosti jedan od najtežih, a takođe i najkompleksnijih zadataka koji Agencija treba da ispuni, mnogobrojni izazovi sa kojima se Agencija susretala u radu su uticali na to da Agencija najviše resursa troši upravo na navedene aktivnosti.

U svrhu očuvanja vrijednosti privrednih društava povjerenih Agenciji na upravljanje, Agencija je u izvještajnom periodu, kao što je to bio slučaj i do sada, obavljala redovne aktivnosti koje se prvenstveno odnose na analizu dostavljenih mjesečnih izvještaja o radu privrednog društva, sa pokazateljima poslovanja istog. Osim toga uposleni u Agenciji su redovno obilazili privredna društva, te se na taj način bolje upoznavali sa radom privrednih društava, eventualnim problemima u poslovanju, kao i budućim planovima sa ciljem da privredna društava posluju pozitivno i u skladu sa zakonskim propisima.

Poseban fokus u upravljanju navedenim privrednim društvima u izvještajnom periodu je bio na vraćanju povjerenja kupaca i dobavljača, poboljšanju funkcija prodaje marketinga, ponude šireg asortimana roba koje bi vremenom dovele do povećanja profitne margine, te saniranja prije svega obaveza preuzetih iz ranijeg perioda kako bi se stabiliziralo poslovanje i redovno izmirivale tekuće obaveze.

U izvještajnom periodu nezavisni revizor je dostavio nezavisno revizorsko mišljenje na finansijske izvještaje na dan 31.12.2018. godine, za privredna društva kojima Agencija upravlja, u kojima je iznio suzdržano mišljenje većinom iz razloga nepostojanja dokumentacije o početnim stanjima u knjigovodstvenim evidencijama, kao i nedostatku ostale poslovne dokumentacije kojom se dokazuju nastale poslovne promjene, a sve za period prije nego je Agencija preuzela upravljanje privrednim

društvima, o čemu je Agencija u više navrata obavijestila Kantonalni sud u Sarajevu i Kantonalno tužilaštvo u Sarajevu, kao strani koja je uključena u predmet na upoznavanje.

UMAX GROUP d.o.o. Sarajevo – benzinska pumpa

U izvještajnom periodu društvo Umax Group d.o.o. Sarajevo je nastavilo da ostvaruje dobre poslovne rezultate i da svojim tekućim prihodima pokriva sve dospjele obaveze, pa čak i da izmiruje dugovanja prema dobavljačima iz ranijeg perioda.

Emiran D.O.O. Sarajevo i Emiran Studentski dom – Univerzitetski hotel D.O.O. Sarajevo – hoteli

Uprava društva je donijela novi Plan poslovanja za 2019. godinu koji podrazumjeva i nove metode upravljanja privrednim društvom, koja se učituju u business to business saradnji sa drugim privrednim društvima za poboljšanje funkcija prodaje i tržišnog učešća.

Rezultat takve saradnje bi trebalo da bude i promjena naziva hotela, kako bi se privredno društvo distanciralo od krivičnog postupka, koji se vodi protiv vlasnika istog.

Zadatak Agencije prilikom upravljanja privrednim društvima pod privremenom mjerom osiguranja i jeste da ih održi u radu, u smislu da ista posluju u skladu sa zakonskim normama, čime se stvaraju ekonomski uslovi za nastavak poslovanja, što je u izvještajnom periodu i postignuto.

Upravljanje pokretnim stvarima

Agencija u okviru svoje nadležnosti, između ostalog, upravlja privremeno i trajno oduzetim pokretnim stvarima u skladu sa Zakonom. U tom smislu, u izvještajnom periodu Agencija je postupala po sljedećim rješenjima:

Rješenjem Kantonalnog suda u Sarajevu broj 09 0 K 026779 16 Kps od 12. 1. 2017. godine određena je privremena mjera osiguranja imovinske koristi pribavljene krivičnim djelom i to zabrana otuđenja, skrivanja ili raspolaganja pokretnom imovinom, putničkim motornim vozilom marke **BMW X6**. Istim rješenjem određeno je oduzimanje predmetnog motornog vozila i njegovo povjeravanje Agenciji na čuvanje i upravljanje. Predmetno motorno vozilo je u 2017. godini preuzeto i deponovano u skladište Agencije. Dana 1. 2. 2019. godine, Vrhovni sud Federacije Bosne i Hercegovine je svojim Rješenjem produžio privremenu mjeru osiguranja do 17. 1. 2020. godine. Procjenom ovlaštenog sudskog vještaka mašinske struke utvrđena je vrijednost motornog vozila u iznosu od 71.701,59 KM, te je izvršeno i osiguranje vozila kod osiguravajućeg društva Triglav osiguranje d.d. koji navedene usluge pružaju Agenciji u skladu sa Ugovorom.

Sudski postupak o ovom predmetu je još uvijek u toku, te s obzirom na zakonska ograničenja u pogledu upravljanja privremeno oduzetim motornim vozilima, isto se još uvijek nalazi u skladištu Agencije, te po okončanju sudskog postupka, te vrsti presude, o istom će se postupiti u skladu sa zakonskim ovlaštenjima.

U izvještajnom periodu su u ovom predmetu poduzete aktivnosti usmjerene ka redovnom održavanju i provjeri ispravnosti motornog vozila koju uslugu Agenciji pruža BIHAMK ASISTENCIJA d.o.o. Također, od strane službenika Agencije vrši se redovan obilazak skladišta, te provjera vozila.

Rješenjem Kantonalnog suda u Bihacu broj 01 0 K 013572 18 Kpp od 11. 4. 2018. godine, određena je privremena mjera osiguranja imovinske koristi stečene krivičnim djelom i to oduzimanja putničkog motornog vozila **Volkswagen Polo**, te je isto povjereno Agenciji na čuvanje i upravljanje uz zabilježbu zabrane otuđenja i opterećenja nad istim koju mjeru će provesti nadležno Ministarstvo unutrašnjih poslova. Vozilo je preuzeto, te nakon obavljenog tehničkog i vizualnog pregleda od strane ovlaštenog servisa BIHAMK-a deponovano u skladište Agencije. O svim radnjama su sačinjeni odgovarajući zapisnici. Također, u prethodnom izvještajnom periodu stalni sudski vještak mašinske struke izvršio je procjenu predmetnog vozila na iznos od 5.150,34 KM, te je izvršeno i osiguranje vozila kod osiguravajućeg društva Triglav osiguranje d.d. koji navedene usluge pružaju Agenciji u skladu sa Ugovorom.

U izvještajnom periodu poduzete su aktivnosti usmjerene ka redovnom održavanju i provjeri ispravnosti motornog vozila od strane ovlaštenih i stručnih lica BIHAMK ASISTENCIJA d.o.o. koja navedene usluge pruža Agenciji u skladu sa Ugovorom. S obzirom na to da je u ovom predmetu riječ o privremenim mjerama, isti je još uvijek u toku te će, ovisno o tome kad i kakvu sud donese pravosnažnu presudu, predmetno motorno vozilo postati vlasništvo Federacije BiH ili će se vratiti vlasniku.

Rješenjem Općinskog suda u Zavidovićima broj 42 0 K 043209 18 Kpp 3 od 23. 10. 2018. godine određena je privremena mjera osiguranja imovinske koristi stečene krivičnim djelom i to oduzimanje putničkog motornog vozila marke **Mercedes Benz CLS 320 CDI** i njegovo povjeravanje na čuvanje Agenciji. Agencija je istog dana izvršila primopredaju motornog vozila, te nakon obavljenog tehničkog i vizualnog pregleda od strane ovlaštenog servisa BIHAMK-a deponovala u skladište Agencije o čemu je sačinjen zapisnik. Izvršen je i vanredni tehnički pregled vozila, kao i procjena istog od strane ovlaštenog sudskog vještaka mašinske struke. Vozilo je procijenjeno na iznos od 26.346,56 KM, te je izvršeno i osiguranje vozila kod osiguravajućeg društva Triglav osiguranje d.d. koji navedene usluge pružaju Agenciji u skladu sa Ugovorom.

U izvještajnom periodu poduzete su aktivnosti usmjerene ka redovnom održavanju i provjeri ispravnosti motornog vozila od strane ovlaštenih i stručnih lica BIHAMK ASISTENCIJA d.o.o. koja navedene usluge pruža Agenciji u skladu sa Ugovorom.

U izvještajnom periodu Agencija je obavijestila Općinski sud u Zavidovićima da je privremena mjera, određena na period od šest mjeseci istekla, te zatražila informaciju od nadležnog suda o tome da li je predmetna mjera produžena, odnosno da li je doneseno novo rješenje o produženju privremene mjere osiguranja predmetnog vozila.

Rješenjem Kantonalnog suda u Sarajevu broj 09 0 K 031235 18 Kpp 121 od 13. 12. 2018. godine određena je privremena mjera osiguranja nezakonito stečene imovinske koristi i to oduzimanjem putničkog motornog vozila marke **Renault Scenic**, te povjeravanje istog Agenciji na čuvanje i upravljanje. Predmetno vozilo je preuzeto istog dana, te nakon obavljenog tehničkog i vizualnog pregleda vozila od strane

ovlaštenog servisa BIHAMK-a, isto je deponovano u skladište Agencije. O navedenim radnjama obaviješten je sud.

U svrhu procjene vrijednosti predmetnog motornog vozila, Agencija je angažovala ovlaštenog sudskog vještaka mašinske struke koji je i izvršio stručnu procjenu tržišne vrijednosti predmetnog motornog vozila u iznosu od 5.637,38 KM, te je izvršeno i osiguranje vozila kod osiguravajućeg društva Triglav osiguranje d.d. koji navedene usluge pružaju Agenciji u skladu sa Ugovorom.

U izvještajnom periodu poduzete su aktivnosti usmjerene ka redovnom održavanju i provjeri ispravnosti motornog vozila od strane ovlaštenih i stručnih lica BIHAMK ASISTENCIJA d.o.o. koja navedene usluge pruža Agenciji u skladu sa Ugovorom.

Predmetno motorno vozilo ostaje u skladištu Agencije do okončanja krivičnog postupka ili eventualno drugačije odluke suda, odnosno odluke o povratu vlasniku.

Naredbom Općinskog suda u Tuzli broj 32 0 K 344443 19 Kpp od 12. 2. 2019. godine određena je privremena mjera osiguranja nezakonito stečene imovinske koristi i to oduzimanjem putničkog motornog vozila marke **AUDI A6**, te povjeravanje istog na čuvanje i upravljanje Agenciji. Predmetno vozilo je preuzeto, te nakon obavljenog tehničkog i vizualnog pregleda vozila od strane ovlaštenog servisa BIHAMK-a, isto je deponovano u skladište Agencije. O navedenim radnjama obaviješten je sud.

U svrhu procjene vrijednosti predmetnog motornog vozila, Agencija je angažovala ovlaštenog sudskog vještaka mašinske struke koji je i izvršio stručnu procjenu tržišne vrijednosti predmetnog motornog vozila u iznosu od 35.653,36 KM, te je izvršeno i osiguranje vozila kod osiguravajućeg društva Triglav osiguranje d.d. koji navedene usluge pružaju Agenciji u skladu sa Ugovorom.

I u ovom izvještajnom periodu Agencija se susretala sa određenim poteškoćama zbog nemogućnosti donošenja odluke o prodaji ili davanju na korištenje motornih vozila iz razloga što takva vozila svakim danom bez obzira na (ne)upotrebu gube na vrijednosti.

Iako Zakon dozvoljava Agenciji da privremeno oduzetim motornim vozilima „upravlja“, odnosno da ista može iznajmiti ili prodati ako prijete neposredna opasnost od njihovog propadanja ili znatnog gubitka vrijednosti, problem predstavlja prijenos vlasništva i registracija takvih vozila na koja se predmetna vozila prenose najmom ili prodajom.

Agencija je u 2018. godini Ministarstvu komunikacija i prometa Bosne i Hercegovine, kao nadležnom organu za donošenje novog propisa u pogledu registracije vozila, uputila akt kojim je predloženo da se u izmjene Pravilnika o registraciji vozila uvrsti i postupak registracije vozila koja se privremeno ili trajno oduzimaju od osoba protiv kojih se vodi ili je okončan krivični postupak, a sve sa ciljem prevazilaženja problematike u vezi registracije oduzetih motornih vozila.

Međutim, iako su predstavnici Agencije više puta kontaktirali Ministarstvo komunikacija i prometa Bosne i Hercegovine, do kraja ovog izvještajnog perioda nismo dobili povratne informacije.

Upravljanje nepokretnim stvarima

Agencija je u izvještajnom periodu upravljala sa dvije nekretnine koje je nastavila izdavati zatečenim zakupcima. Zakupnine od obje nekretnine se redovno uplaćuju na račun za posebne namjene Agencije, i iste ostaju deponovane na predmetnom računu do okončanja krivičnog postupka. Na ovaj način se postiže svrha kako privremene mjere, tako i Zakona, jer optužena lica, koja se terete da su nezakonito stekla predmetne nekretnine, ne mogu iz takvih „nezakonitih“ nekretnina ubirati plodove istih, odnosno novčana sredstva u vidu zakupnina, kao ni raspolagati istim.

Kako je primarni zadatak Agencije prilikom upravljanja nekretninama da očuva njihovu vrijednost, Agencija je putem specijaliziranih institucija koje se profesionalno bave poslovima održavanja i osiguranja objekata, a sa kojima je Agencija sklopila ugovor o pružanju usluga, nastojala spriječiti nastanak eventualnih šteta, te svesti na minimum oštećenja ili umanjeња vrijednosti nekretnina, a sve u cilju da na najbolji mogući način sačuva vrijednost nekretnina koje su joj povjerene na čuvanje.

Agencija je u izvještajnom periodu postupala po sljedećim rješenjima:

Rješenjem Kantonalnog suda u Sarajevu broj 09 0 K 026508 17 Kpp 182 od 24. 4. 2017. godine prema optuženim licima određene su privremene mjere osiguranja imovinske koristi pribavljene krivičnim djelom i to zabrana otuđenja i opterećenja nekretnine i stvarnih prava upisanih na nekretnini koja se vodi u zemljišnim knjigama Općinskog suda u Sarajevu. Ista nekretnina je navedenim rješenjem oduzeta i povjerena na čuvanje i upravljanje Agenciji.

Nekretninu na osnovu Ugovora o zakupu koristi pravno lice, a nadležni sud je odredio da u ugovorni odnos s Agencijom kao privremenim upraviteljem predmetne zakupnine stupa zakupac koji je s prethodnim vlasnikom, kao i osumnjičenim imao sklopljen ugovor o zakupu (pravno lice Amoniq d.o.o.). Po osnovu ugovora o zakupu, ugovorna strana, na račun za posebne namjene mjesečno uplaćuje od 2.955,83 KM i ukupno je za ovaj izvještajni period uplaćeno 17.734,98 KM po osnovu zakupa nekretnine. Također, zakupac izmiruje redovne troškove komunalnih usluga, o čemu pismeno obavještava Agenciju.

U izvještajnom periodu Agencija je nastavila da vrši redovnu kontrolu i obilazak predmetne nekretnine. S obzirom na to da je sudski predmet u sklopu kojeg je nekretnina privremeno oduzeta još uvijek u toku, Agencija će nastaviti izdavati predmetni objekt postojećem zakupcu, te zakupnine čuvati na računu za posebne namjene Agencije s kojeg će iste, ovisno o ishodu sudskog postupka, ili biti uplaćene u Budžet Federacije Bosne i Hercegovine ili vraćene vlasniku prostora.

Rješenjem Kantonalnog suda u Sarajevu broj 09 0 K 021547 17 Kv 34 od 14. 7. 2017. godine prema optuženim licima određena je privremena mjera osiguranja imovinske koristi stečene krivičnim djelom i to u obliku oduzimanja nekretnine od optužene osobe i povjeravanje iste na upravljanje Agenciji. Riječ je o luksuznom stambenom objektu u Sarajevu, koji je u trenutku oduzimanja bio pod zakupom.

S obzirom na navedeno, Agencija je s istim zakupcem (Ambasada Kraljevine Švedske u BiH) zaključila ugovor o zakupu nekretnine. Zakupnina iz predmetnog

zakupodavnog odnosa u mjesečnom iznosu od 11.000,00 KM se uplaćuje na račun za posebne namjene kojim raspolaže Agencija, te je za ovaj izvještajni period uplaćeno 66.000,00 KM.

Također, zakupac izmiruje redovno troškove komunalnih usluga, kao i ostale režijske troškove, o čemu pismeno obavještava Agenciju. Kako bi se nekretnina dodatno osigurala u izvještajnom periodu potpisana je policica osiguranja od materijalne štete. Osim periodičnog obilaska i kontrole objekta, u proteklom periodu na navedenoj nekretnini, u smislu održavanja, Agencija je intervenisala šest puta.

U ovom izvještajnom periodu su, u skladu s ugovorom o zakupu, izvršeni određeni radovi na održavanju nekretnine, u smislu servisiranja određenih uređaja, čije se servisiranje vrši svake godine. Takođe su otklonjeni nedostaci u smislu pojave vlage u određenim prostorijama. Osim navedenog, otklonjena su oštećenja na vanjskoj rasvjeti, kao i oštećenje na sistemu za navodnjavanje na objektu rezidencije. Nakon izvršenog redovnog godišnjeg održavanja sistema tehničke zaštite i video nadzora, otklonjeni su nedostaci u smislu zamjene dijela tehničke opreme koji nisu bili u funkciji, te molerski i lakirerski radovi. Svi radovi su izvedeni na zahtjev zakupca, te nakon zajedničkih konsultacija sa firmom „Oki upravitelj“ d.o.o. sa kojom Agencija ima zaključen Ugovor o pružanju usluga popravke i održavanje nekretnina.

Sve navedeno je pismeno konstatovano, te je sačinjena i fotodokumentacija. Navedeno postupanje Agencije je u skladu s načelom upravljanja pažnjom dobrog domaćina, te očuvanja vrijednosti povjerene joj imovine.

U izvještajnom periodu Agencija je uspjela održati vrijednost nekretnina starajući se o njima u skladu sa Zakonom i po principu dobrog domaćina.

Privremeno oduzeti novac

U izvještajnom periodu Agencija je postupala po dvije sudske odluke, odnosno privremene mjere koje su se odnosile na oduzimanje gotovog novca i njegovo povjeravanje Agenciji na čuvanje i upravljanje, a koje je sud u toku krivičnog postupka izrekao radi osiguranja imovinske koristi koja je stečena izvršenjem krivičnog djela.

Nakon što Agencija preuzme gotov novac, isti uplaćuje na račun za posebne namjene, koji ostaje deponovan na predmetnom računu sve dok se ne donese pravosnažna presuda. Oduzimanjem gotovog novca i njegovim povjeravanjem Agenciji na upravljanje postiže se svrha kako mjere tako i samog Zakona, iz razloga što optuženo lice ne može raspolagati predmetnim novcem, odnosno ne može izbjeći eventualnu finansijsku obavezu prema Federaciji Bosne i Hercegovine. Na taj način eventualno potraživanje Federacije Bosne i Hercegovine, prema u budućnosti osuđenom licu, efikasno je osigurano, te po izricanju pravosnažne presude, tako oduzeti novac bit će uplaćen u Budžet Federacije Bosne i Hercegovine.

Rješenjem Kantonalnog suda u Sarajevu broj 09 0 K 021547 Kv 35 od 21. 7. 2017. godine prema optuženim licima određena je privremena mjera osiguranja imovinske koristi stečene krivičnim djelom i to u obliku oduzimanja gotovog novca u

iznosu od 105.500,00 EUR-a od optužene osobe i povjeravanja predmetnog novca Agenciji na upravljanje. Agencija je po preuzimanju gotovog novca isti uplatila na račun za posebne namjene.

S obzirom na to da je riječ o privremenoj mjeri, odnosno krivični postupak u ovom predmetu još nije pravosnažno okončan, predmetni novac se u ovom izvještajnom periodu i dalje nalazi deponovan na računu za posebne namjene.

Rješenjem Kantonalnog suda u Bihaću broj 01 0 K 013572 18 Kpp od 11. 4. 2018. godine prema osumnjičenim licima određena je mjera osiguranja nezakonito stečene imovine krivičnim djelom i to oduzimanje gotovog novca u iznosu od 3.310,00 EUR-a i 4.800,00 KM, te povjeravanje istog na čuvanje i upravljanje Agenciji.

Po preuzimanju predmetnog gotovog novca, isti je uplaćen, odnosno deponovan u poslovnici Union banke kod koje Agencija ima otvoren račun za posebne namjene. Novac će na predmetnom računu ostati do konačne odluke suda u ovom predmetu. O svim radnjama sačinjeni su odgovarajući zapisnici. S obzirom na to da je u ovom predmetu riječ o privremenim mjerama, odnosno da krivični postupak nije pravosnažno okončan, te je isti još uvijek u toku, novac će ovisno o tome kad i kakvu sud donese pravosnažnu presudu, postati ili vlasništvo Federacije Bosne i Hercegovine ili će se vratiti vlasniku.


Važno je istaći da Agencija, u skladu sa Zakonom, ima propisana određena ograničenja, odnosno Agenciji nisu date operativne nadležnosti za oduzimanje imovinske koristi pribavljene krivičnim djelom. Međutim, isti Zakon je propisao i obavezu državnih tijela, javnih službi i organizacija da pruže potporu Agenciji u svom radu. S obzirom na navedeno, Agencija nije u mogućnosti izvršiti fizičko oduzimanje privremeno oduzete imovine, u konkretnom slučaju gotovog novca, od osumnjičenih, optuženih, osuđenih ili drugih povezanih lica. Agencija, u skladu s propisanim ovlaštenjima, može jedino izvršiti preuzimanje prethodno oduzetog gotovog novca od strane drugih organa ili institucija poput policije, tužilaštva ili sudova.

U vezi s prethodno iznesenim, a kada je riječ o gotovom novcu, do sada je praksa pokazala da se u svakom slučaju gotov novac, za koji se sumnja da je stečen na nezakonit način izvršenjem krivičnog djela, prvo oduzme od osumnjičenog, optuženog, osuđenog ili povezanog lica od strane policijskih organa, te deponuje u prostorijama suda ili tužilaštva, nakon čega Agencija predmetni novac, od navedenih institucija, preuzima. Činom preuzimanja gotovog novca od strane Agencije, te zapisničkog evidentiranja istog, odgovornost za predmetni novac prelazi na Agenciju.

S obzirom na prethodno navedena zakonska ograničenja, tj. nepostojanje operativnih nadležnosti prilikom oduzimanja gotovog novca, ali i nepostojanja posebnih ovlaštenja službenika Agencije prilikom izvršenja sudskih odluka, Sudska policija Federacije Bosne i Hercegovine u skladu sa Sporazumom o saradnji koji ima potpisan sa Agencijom pruža asistenciju Agenciji u kontekstu osiguranja sigurnosnog ambijenta izvršenja sudske odluke, ali i osiguranja službenika Agencije.

Nakon preuzimanja gotovog novca, ovisno o iznosu, pripadnici Sudske policije zajedno sa službenicima Agencije, vrše transport predmetnog novca do uplatnog mjesta, odnosno banke. Na taj način se sudska odluka izvršava, a novac uplaćuje na

račun posebnih namjena, gdje ostaje sve do pravosnažne odluke suda o samom krivičnom djelu, te porijeklu datog novca. U slučaju da je optuženi proglašen nevinim, novac se istom vraća, a ako je proglašen krivim, novac se sa računa za posebne namjene uplaćuje u Budžet Federacije Bosne i Hercegovine.




Grafikon 4: Struktura privremeno oduzete imovinske koristi u izvještajnom periodu

Vrijednost imovine

Prilikom preuzimanja privremeno oduzete imovine sačinjava se zapisnik u koji se između ostalog unose podaci o imovini i stanju u kojem je preuzeta, kao i podaci o vrijednosti koja se oduzima. Na osnovu tih podataka utvrđeno je da vrijednost navedene imovine kojom je Agencija upravljala u izvještajnom periodu iznosi **13.363.817,77 KM**.

Vrijednost imovine kojom je Agencija upravljala u izvještajnom periodu je sljedeća:

- Vrijednost poslovnih udjela iznosi 6.171.863,08 KM;
- Vrijednost nekretnina iznosi 6.500.000,00 KM;
- Vrijednost motornih vozila iznosi 144.489,23 KM;
- Novac u iznosu od 108.810,00 EUR-a i 334.651,58 KM (ukupno u domaćoj valuti 547.465,46 KM).



Grafikon 5: Vrijednost privremeno oduzete imovinske koristi kojom je Agencija upravljala u izvještajnom periodu

Novac kojim Agencija privremeno upravlja nalazi se u banci na **računu posebnih namjena** Agencije i trenutno se na računu nalazi novčani iznos od **547.465,46 KM**, uključujući i do sada uplaćene zakupnine iz zakupodavnih odnosa **329.851,58 KM**.

4.2. OPERATIVNI CILJ 2 – UČINKOVITO POSTUPANJE SA TRAJNO ODUZETOM IMOVINOM

Trajno oduzimanje imovine pribavljene krivičnim djelom sud određuje donošenjem presude u redovnom ili posebnom postupku. Tim aktima određuje se vlasništvo Federacije Bosne i Hercegovine nad oduzetom imovinom, sastav oduzete imovine, njena novčana protuvrijednost, rok za dobrovoljno izvršenje presude, te nalog za upis prava vlasništva u korist Federacije Bosne i Hercegovine u javnim knjigama ili registrima.

Nakon što se sudska presuda o trajnom oduzimanju imovine izvrši bilo dobrovoljno ili putem prisilnog izvršenja, staranje o imovini preuzima Agencija, kojoj stoje na raspolaganju različite opcije postupanja u ovoj fazi postupka za oduzimanje imovinske koristi.


Nakon što izvrši procjenu imovine, Agencija je dužna provesti postupak prodaje imovine metodom javnog nadmetanja, a sredstva ostvarena prodajom uplaćuju se u Budžet Federacije Bosne i Hercegovine. U slučaju da prvo javno nadmetanje ne uspije, Zakon je predvidio zakazivanje drugog kruga javne prodaje, gdje je oduzetu imovinu moguće prodati i po nižoj cijeni, ali koja ne može biti niža od 50 % od vrijednosti procjenjene imovine.

U slučaju da se u roku od jedne godine dana oduzeta imovina ne proda, nakon drugog kruga javnog nadmetanja, Zakon je ovlastio Agenciju da shodno procjeni predloži Vladi Federacije Bosne i Hercegovine dalje postupanje sa oduzetom imovinom. Na taj način, imovinu je moguće pokloniti institucijama koje se primarno

finansiraju iz Budžeta Federacije Bosne i Hercegovine, pokloniti u humanitarne svrhe, iznajmiti, ustupiti na čuvanje i korištenje ili uništiti.

Kada se radi o krivičnim postupcima koji su još u toku, a u kojima je primjenjen Zakon, te izrečena privremena mjera osiguranja imovinske koristi, postoji mogućnost da sva imovina koja je povjerena Agenciji na upravljanje, sva novčana sredstva koja su privremeno oduzeta i deponovana na račun za posebne namjene Agencije, sve zakupnine koje se uplaćuju na isti račun, postanu trajno vlasništvo Federacije Bosne i Hercegovine, te se, ovisno o vrsti imovine, odmah ili po prodaji iste dobijena novčana vrijednost uplate u Budžet Federacije Bosne i Hercegovine.

Treba voditi računa o činjenici da bi bilo neprofesionalno prejudicirati ishode krivičnih postupaka u kojima se postupa i po odredbama Zakona, te da kompletna primjena istog od strane tužilaštava i sudova prati svoj jedan prirodni tok, kako od izricanja privremenih mjera osiguranja nezakonito stečene imovine krivičnim djelom, tako i u konačnici do izricanja pravosnažnih presuda o trajnom oduzimanju iste imovine.



Grafikon 6: Struktura trajno oduzete imovinske koristi u izvještajnom periodu

Presude proslijeđene na postupanje Federalnom pravobranilaštvu

Agencija je u dosadašnjem radu zaprimila određen broj presuda po kojima je za postupanje nadležno Federalno pravobranilaštvo. Naime, u tim predmetima, sudovi su pravosnažnim presudama utvrdili postojanje nezakonito stečene imovinske koristi koja nije određena u svom krajnjem obliku naprimjer kao nekretnina, novac, motorno vozilo i slično, te se kao takva ne može oduzeti. Dakle, riječ je o novčanoj obavezi koju je osuđeno lice dužno izvršiti prema Federaciji Bosne i Hercegovine, odnosno Budžetu Federacije Bosne i Hercegovine.

U tim slučajevima, sud presudom ostavlja rok osuđenom licu da dobrovoljno izvrši svoju novčanu obavezu, odnosno uplati iznos utvrđen presudom u Budžet Federacije Bosne i Hercegovine, te ako u tom periodu isti ne ispuni predmetnu obavezu,

Federalno pravobranilaštvo je dužno i jedino ovlašteno podnijeti prijedlog za izvršenje na imovini osuđenog lica, kako bi se utvrđeno potraživanje Federacije Bosne i Hercegovine iz predmetne imovine namirilo.

U skladu sa Zakonom o oduzimanju nezakonito stečene imovine krivičnim djelom u Federaciji Bosne i Hercegovine propisano je da se ovakvo namirenje potraživanja Federacije Bosne i Hercegovine provodi isključivo na prijedlog Federalnog pravobranilaštva, te na osnovu Zakona o izvršnom postupku Federacije Bosne i Hercegovine.

U praksi navedeno podrazumjeva dugotrajan postupak pred izvršnim odjeljenjem nadležnog suda, te duži protok vremena prije nego se potraživanje naplati. U praksi se može desiti i da se potraživanja uopće ne naplati jer osuđeno lice, u hipotetskom, ali isto tako i realnom slučaju, ne posjeduje nikakvu imovinu iz koje bi Federacija Bosne i Hercegovine naplatila svoja potraživanja. Ukoliko pretpostavimo da osuđeni raspolaže imovinom, postupak se može, zbog ulaganja dozvoljenih i propisanih pravnih lijekova odugovlačiti ili upućivati na parnicu. Također može doći i do otvaranja stečajna nad imovinom pravnog lica u kojem slučaju se s izvršnim postupkom zastaje, a Federalno pravobranilaštvo u ime Federacije Bosne i Hercegovine prijavljuje svoje potraživanje u sad već novom postupku.

Agencija je u izvještajnom periodu postupala po sljedećim presudama:

Presudom Općinskog suda u Bihaću broj 17 0 K 000203 08 K od 26. 3. 2014. godine utvrđeno je da se od osuđenog lica ima oduzeti nezakonito stečena imovinska korist u iznosu od **876.543,36 KM**. Od Federalnog pravobranilaštva, Agencija je u izvještajnom periodu zaprimila informaciju u kojoj se navodi da je Pravobranilaštvo pokrenulo izvršni postupak po osnovu pravosnažne presude, međutim da je Općinski sud u Bihaću donio Rješenje o prekidu postupka, iz razloga što je nad firmom Šipad Bina dd pokrenut stečajni postupak. Shodno tome, Pravobranilaštvo je nadležnom sudu podnijelo prijavu potraživanja radi namirenja iz stečajne mase. Međutim, Općinski sud u Bihaću je donio Rješenje kojim se prijava radi namirenja potraživanja povjerioca odbacuje. Na navedeno rješenje, Pravobranilaštvo je uložilo žalbu, te je Kantonalni sud u Bihaću uvažio žalbu, te predmet vratio na ponovni postupak.

Presudom Kantonalnog suda u Novom Travniku broj 06 0 K 007444 15 K od 11. 6. 2015. godine utvrđeno je da se od osuđenih lica ima oduzeti nezakonito stečena imovinska korist u iznosu od **990,00 KM**. S obzirom da se radi o presudi prema kojoj Federalno pravobranilaštvo treba da pokrene izvršni postupak, Agencija je prosljedila istu Pravobranilaštvu na nadležno postupanje.

U izvještajnom periodu Agencija je zaprimila obavijest od strane Federalnog pravobranilaštva o pokretanju izvršnog postupka podnošenjem prijedloga za izvršenje Općinskom sudu u Travniku.

Presudom Općinskog suda u Tešnju broj 39 0 K 044573 16 K od 9. 2. 2017. godine utvrđeno je da se od osuđenog lica ima oduzeti nezakonito stečena imovinska korist u iznosu od **19.886,00 KM**. S obzirom da se radi o presudi prema kojoj Federalno pravobranilaštvo treba da pokrene izvršni postupak, Agencija je prosljedila istu Pravobranilaštvu na nadležno postupanje.

U izvještajnom periodu Agencija je zaprimila obavijest od strane Federalnog pravobranilaštva o pokretanju izvršnog postupka na osnovu kojeg je Općinski sud u Tešnju donio Rješenje o izvršenju na iznos potraživanja u skladu sa gore navedenom presudom, a na koje je izvršenik uložio prigovor po kojem sud još nije donio odluku.

Presudom Općinskog suda u Tešnju broj 39 0 K 036138 14 K od 23. 10. 2015. godine utvrđeno je da se od osuđenog lica ima oduzeti nezakonito stečena imovinska korist u iznosu od **32.301,74 KM**. S obzirom da se radi o presudi prema kojoj Federalno pravobranilaštvo treba da pokrene izvršni postupak, Agencija je prosljedila istu Pravobranilaštvu na nadležno postupanje.

U izvještajnom periodu Agencija je zaprimila obavijest od strane Federalnog pravobranilaštva o pokretanju izvršnog postupka na osnovu kojeg je Općinski sud u Tešnju donio Rješenje o izvršenju, a na koje je izvršenik uložio prigovor po kojem sud još nije donio odluku.

Presudom Općinskog suda u Tuzli broj 32 0 K 319527 18 K od 5. 2. 2018. godine, utvrđeno je da se od osuđenog lica ima oduzeti nezakonito stečena imovinska koristi u iznosu od **409,00 KM**. Kako je i u ovom slučaju riječ o imovinskoj koristi koja se tek ima naplatiti kroz provedeni izvršni postupak, Agencija je predmetnu presudu dostavila Federalnom pravobranilaštvu kako bi isto moglo podnijeti nadležnom sudu prijedlog za izvršenje na imovini osuđenog lica, ukoliko isti dobrovoljno ne izvrši povrat novčanih sredstava, a sve kako bi se potraživanje Federacije Bosne i Hercegovine, utvrđeno navedenom presudom, prinudnim putem naplatilo.

U izvještajnom periodu Agencija nije dobila obavijest od Federalnog pravobranilaštva o statusu ovog predmeta, odnosno da li su pokrenuli izvršni postupak.

Presudom Općinskog suda u Tešnju broj 39 0 K 047956 17 K od 16. 1. 2018. godine, utvrđeno je da se od osuđenog lica ima oduzeti nezakonito stečena imovinska koristi u iznosu **130,00 KM**. S obzirom da se radi o presudi prema kojoj Federalno pravobranilaštvo treba da pokrene izvršni postupak, Agencija je prosljedila istu Pravobranilaštvu na nadležno postupanje.

U izvještajnom periodu Agencija je zaprimila obavijest od strane Federalnog pravobranilaštva o statusu ovog predmeta, odnosno postupajući po prijedlogu Federalnog pravobranilaštva Općinski sud u Tešnju dozvolio je predloženo izvršenje nad imovinom osuđenog.

Presudom Kantonalnog suda u Sarajevu broj 09 0 K 031736 18 K od 29. 8. 2018. godine, određeno je oduzimanje nezakonito stečene imovinske koristi od osuđenog lica u iznosu od **74.000,00 KM**. Također, predmetnom presudom osuđeniku je ostavljen rok od pet godina od pravosnažnosti presude, u kojem roku isti mora vratiti navedeni novčani iznos, odnosno uplatiti u Budžet Federacije Bosne i Hercegovine. S obzirom na to da je u ovom slučaju riječ o imovinskoj koristi koja se ili dobrovoljno od strane osuđenika ili prinudno kroz izvršni postupak mora uplatiti, to je Agencija predmetnu presudu dostavila na nadležno postupanje Federalnom pravobranilaštvu.

Do kraja ovog izvještajnog perioda Agencija nije dobila obavijest od Federalnog pravobranilaštva o statusu ovog predmeta, odnosno da li je pokrenut izvršni postupak.

Presudom Kantonalnog suda u Novom Travniku broj 06 0 K 006818 15 K od 9. 2. 2016. godine, određeno je oduzimanje nezakonito stečene imovinske koristi od osuđenog lica u iznosu od **136.380,17 KM**. S obzirom da se radi o presudi prema kojoj Federalno pravobranilaštvo treba da pokrene izvršni postupak, Agencija je u ovom izvještajnom periodu predmetnu presudu dostavila na nadležno postupanje Federalnom pravobranilaštvu. Federalno pravobranilaštvo je vratilo dostavljenu presudu Agenciji sa obrazloženjem da isto nije nadležno da postupa po zaprimljenoj presudi iz razloga što nije oštećen Budžet Federacije Bosne i Hercegovine, niti je Federalno pravobranilaštvo zastupnik oštećenog pravnog lica. Nakon zaprimljenog odgovora Federalnog pravobranilaštva, Agencija je uputila dopis Kantonalnom sudu u Novom Travniku u kojem se sud obaviještava da se Federalno pravobranilaštvo oglasilo nenadležnim za postupanje u ovom predmetu.

Do kraja izvještajnog perioda Agencija nije dobila odgovor od Kantonalnog suda u Novom Travniku o daljem statusu ovog predmeta.

Presudom Kantonalnog suda u Novom Travniku broj 06 0 K 010507 1 K od 1. 10. 2016. godine, određeno je oduzimanje nezakonito stečene imovinske koristi od osuđenog lica u iznosu od **700,00 KM**. S obzirom da se radi o presudi prema kojoj Federalno pravobranilaštvo treba da pokrene izvršni postupak, Agencija je u ovom izvještajnom periodu predmetnu presudu dostavila na nadležno postupanje Federalnom pravobranilaštvu.

Federalno pravobranilaštvo je vratilo dostavljenu presudu Agenciji s obrazloženjem da se Agencija obrati nadležnom sudu u skladu sa Zakonom o krivičnom postupku iz razloga jer postupak prinudne naplate troškova krivičnog postupka, sudskog paušala i oduzimanja nezakonito stečene imovinske koristi, se vrši po službenoj dužnosti od strane nadležnog suda.

Nakon zaprimanja gore navedenog akta Federalnog pravobranilaštva, Agencija je o istom obavijestila Kantonalni sud u Novom Travniku.

Presudom Općinskog suda u Tuzli broj 32 0 K 186435 16 K 2 od 2. 9. 2016. godine, određeno je oduzimanje nezakonito stečene imovinske koristi od osuđenog lica u iznosu od **39.920,96 KM**. S obzirom da se radi o presudi prema kojoj Federalno pravobranilaštvo treba da pokrene izvršni postupak, Agencija je u ovom izvještajnom periodu predmetnu presudu dostavila na nadležno postupanje Federalnom pravobranilaštvu.

Federalno pravobranilaštvo je i u ovom slučaju vratilo dostavljenu presudu Agenciji s obrazloženjem da se Agencija obrati nadležnom sudu u skladu sa Zakonom o krivičnom postupku iz razloga jer postupak prinudne naplate troškova krivičnog postupka, sudskog paušala i oduzimanja nezakonito stečene imovinske koristi, se vrši po službenoj dužnosti od strane nadležnog suda.

Agencija je o istom aktu Federalnog pravobranilaštva obavijestila Općinski sud u Tuzli.

Agencija je u izvještajnom periodu od strane Federalnog pravobranilaštva dopisom broj R181/19-XI upoznata sa **Presudom Općinskog suda u Gračanici broj 27 0 K 040830 18 K od 6. 5. 2019. godine**, kojom je između ostalog utvrđeno, da se od osuđenih lica ima oduzeti nezakonito stečena imovinska korist u ukupnom iznosu od **94.080,00 KM**, odnosno da je jedno osuđeno lice dužno da u roku od osam mjeseci od dana pravosnažnosti presude uplati 20.100,00 KM u Budžet Federacije Bosne i Hercegovine, a drugo da u roku od dvije godine od dana pravosnažnosti presude uplati 73.980,00 KM u Budžet Federacije Bosne i Hercegovine.

Obzirom da Agencija nije službenim putem od Općinskog suda u Gračanici zaprimila predmetnu presudu, sačinjen je dopis prema Općinskom sudu u Gračanici, kojim se traži informacija o statusu ovog predmeta, te da se dostavi pravosnažna presuda na dalje postupanje.

Novčna sredstva uplaćena u Budžet Federacije Bosne i Hercegovine

U izvještajnom periodu Agencija je zaprimila četiri presude po kojima su trajno oduzeta novčana sredstva u iznosu od **13.141,24 KM**. Po preuzimanju novčanih sredstava ista su uplaćena na račun za posebne namjene Agencije, a nakon toga u Budžet Federacije Bosne i Hercegovine. Presude po kojima je Agencija postupala su sljedeće:

Presudom Općinskog suda u Tuzli broj 32 0 K 214148 14 K od 18. 12. 2017. godine od osuđenog lica oduzeta je nezakonito stečena imovinska korist, odnosno gotov novac u iznosu od 11.300,00 KM.

Federalna agencija za upravljanje oduzetom imovinom je u izvještajnom periodu zaprimila navedenu presudu, te su službenici Agencije u prostorijama Općinskog suda u Tuzli u kojima se navedeni novac i nalazio deponovan, isti preuzeli, te izvršili uplatu na račun posebnih namjena Agencije otvoren kod Union banke d.d. Sarajevo, nakon čega je predmetni novac uplaćen u Budžet Federacije Bosne i Hercegovine. O svim navedenim radnjama sačinjen je zapisnik s pratećom dokumentacijom, te je o poduzetim aktivnostima obaviješten i Općinski sud u Tuzli. Uplatom u Budžet Federacije Bosne i Hercegovine ovaj predmet je okončan.

Presudom Općinskog suda u Kiseljaku broj 49 0 K 024505 14 K od 6. 3. 2015. godine od osuđenog lica oduzeta je nezakonito stečena imovinska korist, odnosno gotov novac u iznosu od 800,00 KM.

Agencija je u izvještajnom periodu zaprimila navedenu presudu, te su službenici Agencije u prostorijama Općinskog suda u Kiseljaku u kojima se navedeni novac i nalazio deponovan, isti preuzeli, te izvršili uplatu na račun posebnih namjena Agencije otvoren kod Union banke d.d. Sarajevo, nakon čega je predmetni novac uplaćen u Budžet Federacije Bosne i Hercegovine. O svim navedenim radnjama sačinjen je zapisnik s pratećom dokumentacijom, te je o poduzetim aktivnostima obaviješten i Općinski sud u Kiseljaku. Uplatom u Budžet Federacije Bosne i Hercegovine ovaj predmet je okončan.

Presudom Općinskog suda u Tuzli broj 32 0 K 341540 18 K od 10. 10. 2018. godine od osuđenog lica oduzeta je nezakonito stečena imovinska korist, odnosno gotov novac u iznosu od 50,00 KM.

Nakon zaprimanja navedene presude, službenici Agencije su u izvještajnom periodu u prostorijama Općinskog suda u Tuzli u kojima se navedeni novac i nalazio deponovan, isti preuzeli, te izvršili uplatu na račun posebnih namjena Agencije otvoren kod Union banke d.d. Sarajevo, nakon čega je predmetni novac uplaćen u Budžet Federacije Bosne i Hercegovine. O svim navedenim radnjama sačinjen je zapisnik s pratećom dokumentacijom, te je o poduzetim aktivnostima obaviješten i Općinski sud u Tuzli. Uplatom u Budžet Federacije Bosne i Hercegovine ovaj predmet je okončan.

Presudom Općinskog suda u Tuzli broj 02 0 K 304809 17 K od 26. 10. 2017. godine od osuđenog lica oduzeta je nezakonito stečena imovinska korist, odnosno gotov novac u iznosu od 492,50 KM i 50,00 EUR-a.

Nakon zaprimanja navedene presude, službenici Agencije su u izvještajnom periodu u prostorijama Općinskog suda u Tuzli u kojima se navedeni novac i nalazio deponovan, isti preuzeli, te izvršili uplatu na račun posebnih namjena Agencije otvoren kod Union banke d.d. Sarajevo, nakon čega je predmetni novac uplaćen u Budžet Federacije Bosne i Hercegovine. O svim navedenim radnjama sačinjen je zapisnik s pratećom dokumentacijom, te je o poduzetim aktivnostima obaviješten i Općinski sud u Tuzli. Uplatom u Budžet Federacije Bosne i Hercegovine ovaj predmet je okončan.

Upravljanje pokretnim stvarima

Agencija u okviru svoje nadležnosti, između ostalog, osim sa privremeno, upravlja i sa trajno oduzetim pokretnim stvarima u skladu sa Zakonom. U tom smislu, u izvještajnom periodu Agencija je postupala po sljedećoj presudi:

Agencija je u izvještajnom periodu od strane Federalnog pravobranilaštva dopisom broj R181/19-XI upoznata sa **Presudom Općinskog suda u Gračanici broj 27 0 K 040830 18 K od 6. 5. 2019. godine**. Navedenom presudom se između ostalog, oduzima teretno motorno vozilo „**MERCEDES BENZ**“ tip Atego 1223 i povjerava se na čuvanje i upravljanje Agenciji.

Obzirom da Agencija nije službenim putem od Općinskog suda u Gračanici zaprimila predmetnu presudu, sačinjen je dopis prema Općinskom sudu u Gračanici, kojim se traži informacija o statusu ovog predmeta, te da se dostavi pravosnažna presuda na dalje postupanje, kako bi službenici Agencije mogli pravovremeno i efikasno izvršiti preuzimanje trajno oduzetog motornog vozila, kao i poduzeti dalje aktivnosti u skladu sa Zakonom.

Ostale pravosnažne presude

U dosadašnjem radu Agencija je zaprimila četiri pravosnažne sudske presude kojima je određeno oduzimanje nezakonito stečene imovine, međutim, iz objektivnih razloga, ukupna novčana protuvrijednost te imovine nije uplaćena u Budžet Federacije Bosne i Hercegovine. Predmetne presude, kao i razlozi navedenog predstavljeni su kako slijedi:

Presudom Kantonalnog suda u Sarajevu broj 09 0 K 021547 16 K 2 od 12. 12. 2016. godine je utvrđeno da se od osuđenog lica trajno oduzimaju dionice koje su postale vlasništvo Federacije Bosne i Hercegovine. U Registru vrijednosnih papira Federacije Bosne i Hercegovine u prethodnom izvještajnom periodu izvršena je promjena upisa titulara prava vlasništva nad predmetnim dionicama s osuđenog lica na Federaciju Bosne i Hercegovine, a nakon toga s Federacije Bosne i Hercegovine na Agenciju, a sve u cilju prodaje predmetnih dionica, te nakon eventualne prodaje, uplate novčanog iznosa u Budžet Federacije Bosne i Hercegovine. Agencija trenutačno ima s bankom/brokerom zaključen Ugovor o obavljanju brokerskih poslova kako bi se na burzi predmetne dionice, preko banke/brokera, mogle prodati.

Međutim, na osnovu informacija dobijenih od banke/brokera riječ je o dionicama koje nisu atraktivne, te se istima ne trguje. Pored navedenog riječ je o malom broju dionica niske nominalne vrijednosti. Vrijednost zaključenog ugovora s bankom/brokerom se ogleda u činjenici da će ista, ukoliko se u budućnosti trajno oduzmu utržive dionice, raditi na prodaji istih kako bi se dobijena novčana sredstva mogla uplatiti u Budžet Federacije Bosne i Hercegovine.

U izvještajnom periodu Agencija je informisala banku sa kojom je zaključen Ugovor o obavljanju brokerskih poslova da je došlo do promjene jednog od lica ovlaštenih za izdavanje naloaga i shodno tome dostavila podatke za novo lice ovlašteno za izdavanje naloaga.

Presudom Kantonalnog suda u Tuzli broj 03 0 K 011879 14 K od 19. 12. 2014. godine je utvrđeno da se od osuđenih lica ima oduzeti nezakonito stečena imovina i to pokretne stvari različite vrste, te građevinski materijal. U 2017. godini predmetne pokretne stvari i građevinski materijal su preuzeti i deponovani u skladište Agencije. Agencija je formirala komisiju koju su činili uposlenici Agencije, te je komisija izvršila procjenu vrijednosti predmetnih stvari i građevinskog materijala.

U skladu sa zakonskim ovlaštenjima i obavezama, nakon neuspjelih prodaja pokretnih stvari i građevinskog materijala, građevinski materijal je u prethodnim izvještajnim periodima poklonjen. Druga prodaja pokretnih stvari raspisana je u septembru 2018. godine, te završena u oktobru. Jedan dio je kupljen, te novac u iznosu od 498,00 KM uplaćen u Budžet Federacije Bosne i Hercegovine.

U izvještajnom periodu, dio preostalih stvari i to alat i radne mašine, na osnovu Odluke Vlade Federacije Bosne i Hercegovine, a na prijedlog direktora Agencije, poklonjeni su Službi za zajedničke poslove organa i tijela Federacije Bosne i Hercegovine. Preostale stvari oduzete predmetnom presudom, a koje nisu prodane niti poklonjene, nalaze se u skladištu Agencije u Rakovici i redovno se vrši provjera stanja istih prilikom obilaska skladišta.

Presudom Općinskog suda u Zenici broj 43 0 K 135584 16 K 7 od 22. 12. 2016. godine je utvrđeno da se od osuđenih lica ima oduzeti nezakonito stečena imovinska korist u obliku gotovog novca u stranoj valuti – ukrajinske grivnje. Kada je naime riječ o takozvanoj „egzotičnoj“ kursnoj valuti, nijedna finansijska institucija u Bosni i Hercegovini ne vrši konverziju predmetne valute. S obzirom na to da konverzija nije moguća, a jedini način konverzije jeste da se isti novac pošalje u obliku vrijednosne

pošiljke u Ukrajinu ili da se pošalje putem ovlaštenih kurira, a isto nije isplativo zbog male protuvrijednosti predmetnog novca, donesena je odluka da se isti novac drži deponovan u sefu Agencije.

U izvještajnom periodu, predmetni novac se i dalje drži deponovan u sefu Agencije. Zbog navedenog, odnosno zbog objektivnih razloga, iako je riječ o pravosnažnoj presudi, ovaj predmet nije priveden svom kraju.

Presudom Općinskog suda u Kaknju broj 36 0 K 035746 17 Kps od 25. 9. 2017. godine utvrđeno je da se od osuđenog lica trajno oduzima nezakonito stečene imovina krivičnim djelom. Riječ je o pokretnim stvarima koje je Agencija nakon preuzimanja deponovala u skladište Agencije.

U skladu sa zakonskim ovlaštenjima i obavezama, Agencija je izvršila internu procjenu predmetnih nekretnina, te oglasila javnu prodaju navedenih pokretnih stvari, međutim zainteresiranih kupaca nije bilo. Predmetne stvari nalaze se i dalje u skladištu Agencije u Rakovici i redovno se vrši provjera prilikom obilaska skladišta.


Pored navedene četiri presude, Agencija je u ovom izvještajnom periodu postupala i po jednoj presudi koja je realizovana iz ranijeg izvještajnog perioda. Radi se o **Presudi Općinskog suda u Tuzli broj 32 0 K 191708 14 K od 19. 9. 2016. godine** kojom je utvrđeno da se od osuđenog pravnog lica ima oduzeti nezakonito stečena imovinska korist u iznosu od 25.650,00 KM. Po ovoj presudi postupalo je Federalno pravobranilaštvo koje je poduzelo zakonom propisane aktivnosti, te postiglo dogovor s osuđenim pravnim licem o obročnoj otplati duga, što su isti i učinili.

U ovom izvještajnom periodu, Agencija je zaprimila akt od strane Federalnog ministarstva finansija, kojim se prosljeđuje zahtjev Ministarstva za obrazovanje, nauku, kulturu i sport Zeničko-dobojskog kantona vezano za povrat novčanih sredstava u iznosu od 25.000,00 KM, koje je Općinski sud u Tuzli presudom oduzeo od osuđenog, odnosno istom naložio da predmetni iznos uplati u Budžet Federacije Bosne i Hercegovine.

Agencija je svojim aktima u dva navrata uputila odgovor Federalnom ministarstvu finansija i Ministarstvu za obrazovanje, nauku, kulturu i sport Zeničko-dobojskog kantona u kojima se navodi da Agencija nije nadležna za postupanje po predmetnom zahtjevu iz razloga što nikad nije raspolagala predmetnim novčanim sredstvima, nego je presudu koja je zaprimljena od strane Općinskog suda u Tuzli prosljedila Federalnom pravobranilaštvu kao nadležnom organu koji kroz izvršni postupak vrši naplatu oduzete imovinske koristi.

U izvještajnom periodu Agencija je zaprimila i jednu sudsku odluku u svrhu informisanja, i to **Presudu Kantonalnog suda u Travniku broj 06 0 K 008862 16 K od 13. 2. 2017. godine** koja se odnosi na obavezu povrata dijela novčanih sredstava u ukupnom iznosu od 507,00 KM koje su osuđeni u ovom postupku otuđili od oštećenih lica. Dio novca je prilikom kriminalističke obrade, od strane policijskih organa, pronađen kod istih, te je i vraćen oštećenim licima, a preostali dio je potrebno da osuđeni solidarno vrate u narednom periodu. Presuda je dostavljena Agenciji u svrhu informisanja jer se radi o protivpravnom sticanju imovinske koristi.

U ovom izvještajnom periodu Federalna agencija za upravljanje oduzetom imovinom je postupala po sudskim presudama kojima je trajno oduzeta nezakonito stečena imovinska korist u vrijednosti od **1.296.636,68 KM**. U toku ovog izvještajnog perioda na osnovu nezakonito stečene imovinske koristi Agencija je u **Budžet Federacije Bosne i Hercegovine** uplatila iznos od **13.141,24 KM**.



Grafikon 7: Vrijednost trajno oduzete imovinske koristi u izvještajnom periodu

U narednom periodu u slučaju trajnog oduzimanja drugih vrsta nezakonito stečene imovine, Agencija će i dalje slijediti praksu Evropske unije, odnosno EU Direktive o zamrzavanju i oduzimanju prihoda i imovinske koristi ostvarene krivičnim djelima (2014/42/EU, 2014) u slučaju da nakon drugog kruga javna prodaja ne uspije, predložiti Vladi Federacije Bosne i Hercegovine donošenje odluke o postupanju predmetnom imovinom modalitetom – korištenje ili poklon.

Naime, korištenje ili poklon oduzete imovine, odnosno ponovna društvena upotreba je jedan od preporučenih načina upravljanja oduzetom imovinom jer se time jača povjerenje građana u sistem krivičnog pravosuđa i javnu vlast, intezivniji angažman i učešće građana kroz saradnju s vladinim institucijama.

Kod ovog modaliteta konkretan oblik oduzete imovine se predaje u vlasništvo i/ili posjed, odnosno na korištenje nevladinim i humanitarnim organizacijama, obrazovnim i zdravstvenim ustanovama i slično ili se sredstva od prodaje imovine usmjeravaju u neke specifične fondove, projekte ili konkretne programe.

4.3. OPERATIVNI CILJ 3 – PROVOĐENJE ANALIZA U PODRUČJU ODUZIMANJA IMOVINSKE KORISTI PRIBAVLJENE KRIVIČNIM DJELOM

Jedna od nadležnosti Agencije utvrđenih članom 30. Zakona o oduzimanju nezakonito stečene imovine krivičnim djelom je i provođenje analiza u području oduzimanja imovinske koristi pribavljene krivičnim djelom.

U skladu sa članom 31. Zakona, Agencija u provođenju ove nadležnosti obavlja sljedeće poslove:

- prikuplja od nadležnih institucija podatke, statističke izvještaje i druge informacije iz pravomoćno okončanih postupaka za oduzimanje imovinske koristi u skladu sa Zakonom, sa ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;
- vrši analize i procjene rizika sa ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela;
- obavještava Vladu Federacije i Parlament Federacije o rezultatima analiza u području provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom.

Prikupljanje podataka o privremeno i trajno oduzetoj imovinskoj koristi je bitan instrument procjene učinkovitosti same mjere oduzimanja te imovine, a njihovo prikupljanje i javno objavljivanje je zakonska obaveza koja je usklađena sa Direktivom Evropskog parlamenta i Vijeća Evrope 2014/42/EU od 03.04.2014. godine, o zamrzavanju i oduzimanju predmeta i imovinske koristi ostvarene krivičnim djelom u Evropskoj uniji, koja u članu 11. propisuje obavezu prikupljanja statističkih podataka od strane nadležnih organa vlasti i vođenja statistike o broju izvršenih rješenja (naloga) sudova o mjerama osiguranja (zamrzavanja), broju izvršenih odluka (presuda) o oduzimanju imovinske koristi, procijenjene vrijednosti imovine koja je osigurana mjerama osiguranja (zamrznuta imovina), i procijenjene vrijednosti (trajno) oduzete imovine. Stoga je važno naglasiti kako je ova aktivnost jedan od prvih koraka u ispunjenju standarda Evropske unije u oblasti izvještavanja u oblasti oduzimanja imovinske koristi pribavljene krivičnim djelom.

Pošto je prikupljanje podataka o privremeno i trajno oduzetoj imovinskoj koristi bitan instrument procjene učinkovitosti same mjere oduzimanja te imovine, a njihovo prikupljanje i javno objavljivanje jedan od zahtjeva Evropske unije, Agencija je od samog osnivanja prepoznala značaj istog, te poduzela određene korake prema realizaciji ovog cilja.

Podaci o izvršenju sudskih presuda kojima je izrečena mjera oduzimanja imovinske koristi pribavljene krivičnim djelom predstavljaju jedan od najvažnijih segmenata statističkog prikupljanja i obrade podataka o postupcima za oduzimanje imovinske koristi pribavljene krivičnim djelom, te je u skladu s navedenim jedan od strateških ciljeva koji je utvrđen na samom početku rada Agencije bio i način na koji će se prikupljati podaci u svrhu provođenja analiza u području oduzimanja imovinske koristi pribavljene krivičnim djelom.

U cilju realizacije navedenog, Agencija je ostvarila kontakte sa nadležnim pravosudnim institucijama u Federaciji Bosne i Hercegovine i zatražila podatke kako bi na osnovu istih uradila analizu, koja će u daljem radu služiti za izradu raznih vrsta procjena i strategija vezanih za pitanja koja se odnose na oduzimanje imovinske koristi pribavljene krivičnim djelom u Federaciji Bosne i Hercegovine.

Krajem 2018. godine, Agencija je uputila zahtjeve kantonalnim i općinskim sudovima, te nadležnim tužilaštvima da nam dostave podatke u skladu s Smjernicama o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom za period od 1. 1. 2018. godine do 31. 12. 2018. godine, a koji su se odnosili na:

- a) zbirne podatke o radu suda;
- b) podatke o pojedinačnim postupcima u kojima je određeno oduzimanje imovinske koristi;
- c) podatke o privremeno oduzetoj imovinskoj koristi iz pojedinačnih postupaka;
- d) podatke o trajno oduzetoj imovinskoj koristi iz pojedinačnih postupaka i
- e) podatke koji se odnose na prijedloge nadležnim sudovima u oblasti oduzimanja imovinske koristi pribavljene krivičnim djelom kojim se određuju privremene mjere radi osiguranja imovinske koristi pribavljene krivičnim djelom,

sa posebnim osvrtom na podatke koji se odnose na sva rješenja donesena na osnovu prijedloga tužilaštava, kojima su određene privremene mjere osiguranja imovinske koristi u skladu s članom 17. Zakona, a čija svrha nije povjeravanje takve imovine Agenciji, već samo blokada, odnosno zamrzavanje iste, u skladu s obrascem broj 3 Smjernica, kao i na sve prijedloge tužilaštava nadležnim sudovima za oduzimanje imovinske koristi pribavljene krivičnim djelom u kojima je predloženo donošenje privremenih mjera osiguranja imovinske koristi u skladu s članom 17. Zakona, a čija svrha nije povjeravanje takve imovine Agenciji, već samo "blokada", odnosno zamrzavanje iste, s vrstom i vrijednošću te imovine, kao i podatke o prihvaćenim ili odbijenim prijedlozima tužilaštava upućenim nadležnim sudovima za određivanjem gore navedenih mjera od strane istih.

U skladu sa zahtjevom Agencije, tražene podatke je dostavilo:

- sedam tužilaštava;
- 10 kantonalnih sudova, i
- 31 općinski sud.

U izvještajnom periodu, a na osnovu prikupljenih informacija uspostavljena je baza podataka sa gore navedenim parametrima, te je izvršen unos podataka u bazu, na osnovu kojih je sačinjena Analiza podataka u kojima je predložena i izrečena mjera oduzimanja imovinske koristi pribavljene krivičnim djelom u Federaciji Bosne i Hercegovine u periodu od 1. 1. 2018. godine do 31. 12. 2018. godine.

Nadležna tužilaštva u Federaciji Bosne i Hercegovine su uputili 74 prijedloga nadležnim sudovima za oduzimanje imovinske koristi pribavljene krivičnim djelom, kojima je predloženo donošenje privremenih mjera osiguranja imovinske koristi u skladu sa članom 17. Zakona o oduzimanju nezakonito stečene imovine krivičnim djelom, odnosno prijedloga za trajno oduzimanje imovinske koristi pribavljene krivičnim djelom ukupne vrijednosti 12.865.718,62 KM.

Kada su u pitanju sudovi u Federaciji Bosne i Hercegovine, od ukupno 80 pojedinačnih postupaka koje su dostavili u svojim odgovorima Agenciji, 14 se odnosi na podatke o privremeno oduzetoj imovinskoj koristi iz pojedinačnih postupaka.

Novčana protuvrijednost koristi koja se privremeno oduzima u skladu sa dostavljenim podacima sudova iznosi 694.939,23 KM.

Podaci koji se odnose na stvar ili pravo koje je predmetom trajnog oduzimanja su dostavljeni za 48 odluka, a novčana protuvrijednost koristi koja je trajno oduzeta u toku 2018. godine u skladu sa odgovorima dostavljenim od strane nadležnih sudova iznosi 173.922,56 KM.

Nakon sačinjavanja Analize, Agencija je u skladu sa članom 31. tačkom h) istu uputila Vladi Federacije Bosne i Hercegovine. Vlada Federacije Bosne i Hercegovine je Zaključkom V. broj: 488/2019 od 9. 5. 2019. godine primila na znanje Informaciju Agencije koja se odnosila na analizu podataka dostavljenih od strane sudova i tužilaštava u Federaciji Bosne i Hercegovine u kojima je predložena i izrečena mjera oduzimanja imovinske koristi pribavljene krivičnim djelom u Federaciji Bosne i Hercegovine u periodu 1. 1 – 31. 12. 2018. godine.

4.4. OPERATIVNI CILJ 4 – UNAPREĐENJE SARADNJE I KOORDINACIJE IZMEĐU AGENCIJE, PRAVOSUDNIH ORGANA, POLICIJSKIH AGENCIJA I DRUGIH INSTITUCIJA KOJE IMAJU OBAVEZU POSTUPATI PO ODREDBAMA ZAKONA, KAO I DRUGIH PRAVNIH SUBJEKATA U BOSNI I HERCEGOVINI, TE USPOSTAVLJANJE I UNAPREĐENJE SARADNJE SA ISTIM ILI SLIČNIM AGENCIJAMA IZ ZEMALJA REGIJE I EVROPSKE UNIJE, KAO I KONTINUIRANA EDUKACIJA UPOSLENIKA NAVEDENIH INSTITUCIJA KOJI SU DIREKTNO U VEZI S PROCESOM ODUZIMANJA NEZAKONITO STEČENE IMOVINSKE KORISTI

Stručno obrazovanje i usavršavanje

Potreba za stručnim osposobljavanjem proizilazi iz činjenice da živimo u vrlo dinamičnom periodu stalnih izmjena zakona i podzakonskih akata u cilju prilagođavanja zakonodavstvo Bosne i Hercegovine sa zakonodavstvom Evropske unije. Osim toga, u rad državne službe se stalno uvode nove savremene metode rada, kao i razna savremena tehnička sredstva rada. Da bi u tim novim okolnostima državni službenik, odnosno namještenik bio kompetentan da efikasno i pravilno primjenjuje propise u svom radu, te da koristi nove metode rada i tehnička sredstva, nužno je da se stručno osposobljavaju za izvršenje radnih zadataka kako bi uspješno kvalitetno obavljali sve poslove svog radnog mjesta.

Polazeći od ovih činjenica, početkom izvještajnog perioda, a u skladu sa Pravilnikom o stručnom usavršavanju uposlenih Federalne agencija za upravljanje oduzetom imovinom sačinjen je Program i plan stručnog obrazovanja i usavršavanja državnih službenika i namještenika Agencije za 2019. godinu.

Navedeni Program i plan je okvirni planski dokument na osnovu kojeg se vršilo stručno usavršavanje državnih službenika i namještenika Agencije u izvještajnom periodu, te su na osnovu istog, kao i učestvovanja u programima obuka koje su organizovali predstavnici međunarodnih institucija, uposleni u Agenciji prisustvovali sljedećim radionicama, seminarima i obukama:

Agencija za državnu službu Federacije Bosne i Hercegovine je u toku ovog izvještajnog perioda započela sa implementacijom dokumenata "Program kontinuiranog stručnog usavršavanja državnih službenika i namještenika u 2019. godini". U okviru navedenog programa, a u organizaciji Agencije za državnu službu Federacije Bosne i Hercegovine, uposlenici Agencije su prisustvovali na sljedećim obukama:

- Vještina komunikacije i rad sa strankama;
- Stručno usavršavanje i razvoj kompetencija;
- Zaštita ličnih podataka vs Zakon o slobodi pristupa informacijama.

U organizaciji Association Euro Connecta, uposleni u Agenciji su nadogradili svoja znanja iz Zakona o upravnom postupku i Zakona o upravnim sporovima, a Centar za razvoj poslovnih sistema i edukaciju je u okviru obuke „Kako praktično uspostaviti i razviti sistem finansijskog upravljanja i kontrole“ doprinijeo upoznavanju predstavnika Agencije sa COSO okvirom i PIFC-om, kao i sa obaveznom primjenom propisa korisnika javnih sredstava.

U okviru navedenih obuka uposleni u Agenciji su osposobljeni za pitanja vezana za jačanje komunikacijskih vještina u cilju minimiziranja konfliktnih situacija prilikom obavljanja svakodnevnih poslova, razvoj kompetencija i rješavanje nedoumica u praktičnoj primjeni Zakona o zaštiti ličnih podataka i Zakona o slobodi pristupa informacijama.

Osim navedenih, predstavnici Agencije su učestvovali i u implementaciji dokumenta Javne ustanove Centar za edukaciju sudija i tužilaca Federacije Bosne i Hercegovine „Program početne obuke i program stručnog usavršavanja za 2019. godinu“, te u okviru istog, u izvještajnom periodu prisustvovali XVIII savjetovanju iz krivično pravne oblasti.

Savjetovanje je održano u organizaciji Udruženja sudija Federacije Bosne i Hercegovine, Republike Srpske i Bosne i Hercegovine, koji su u saradnji sa Centrom za edukaciju sudija i tužilaca Federacije Bosne i Hercegovine, Centrom za edukaciju sudija i tužilaca Republike Srpske, te uz podršku Udruženja tužilaca Federacije Bosne i Hercegovine, Republike Srpske i Bosne i Hercegovine, Advokatskim komorama Federacije Bosne i Hercegovine i Republike Srpske i Pravosudnom komisijom Brčko Distrikta Bosne i Hercegovine, te Centrom za istraživanje politike suprotstavljanja kriminalitetu (CPRC) organizovali navedeno savjetovanje u Neumu.

Savjetovanje se održalo u sedam panela koji su bili posvećeni aktuelnim pitanjima krivičnog prava u Bosni i Hercegovini, a jedna od tema prvog panela koji se odnosio na korupciju, privredni i organizovani kriminal je bila i „Međunarodni i regionalni pravni okviri i iskustva u oduzimanju imovinske koristi ostvarene krivičnim djelima“. Tokom trajanja savjetovanja prisutni su imali priliku razmijeniti znanja i iskustva iz navedene oblasti, ali i razgovarati o problemima s kojima se susreću u svakodnevnom radu.

Uposlenici Agencije su u izvještajnom periodu bili uključeni u dvije obuke koje je organizovalo Ministarstvo pravosuđa Sjedinjenih Američkih država kroz Program za razvoj, podršku i edukaciju tužilaštava u prekomorskim zemljama - US DoJ/OPDAT. Jedna od navedenih je održana u Dubrovniku, Republika Hrvatska i odnosila na razvijanje vještina istraživanja i procesuiranja počinitelja koje su nužne za efikasno provođenje finansijskih istraga i oduzimanja nezakonito stečene imovine, te borbu protiv transnacionalnog organizovanog kriminala povezanog sa trgovinom narkoticima.

Druga obuka istog organizatora, koja je održana u Zagrebu, Republika Hrvatska, odnosila se na temu „Jačanje kaznenopravnih institucija i vladavina prava u središnjoj i istočnoj Evropi, suzbijanje korupcije u javnom sektoru učinkovitom provedbom finansijskih istraga i oduzimanjem imovine“. Edukacija je namjenjena obuci sudija, policij-

skih službenika, finansijskih istražitelja i/ili istražitelja za pranje novca, državnih tužilaca, službenika za upravljanje oduzetom imovinom, te poreznih inspektora kroz fokusiranje na korupciju u javnom sektoru, analizu neto vrijednosti, pranje novca i oduzimanje nezakonito stečene imovine.

Na poziv organizatora, predstavnik Federalne agencije za upravljanje oduzetom imovinom je prisustvovao navedenoj obuci kao predavač, odnosno edukator, te je nakon upoznavanja učesnika sa radom Agencije, prezentovao upravljanje oduzetom imovinom u krivičnom postupku u Federaciji Bosne i Hercegovine, gdje je poseban fokus usmjerio na upravljanje privrednim društvom pod privremenom mjerom osiguranja – hotelom.

Agencija je na osnovu prijedloga i inicijative Ministarstva sigurnosti Bosne i Hercegovine od 2017. uključena u realizaciju projekta IPA 2013 Twinning projekat “Podrška borbi protiv pranja novca”, čiji je cilj podizanje kapaciteta u Bosni i Hercegovini koji se odnose na prevenciju pranja novca i finansiranja terorizma, s posebnim naglaskom na finansijske istrage, te je i u ovom izvještajnom periodu učestvovala u sljedećim komponentama navedenog projekta:

- rezultat 7.3.3. – Podrška borbi protiv pranja novca, odnosno zajedničke obuke za istražitelje, sudije i tužioce;
- rezultat 5.6.1. – Podrška borbi protiv pranja novca, odnosno oduzimanje nezakonito stečene imovine, gdje se raspravljalo o povećanju broja prijedloga za privremeno i trajno oduzimanje nezakonito stečene imovine.

U okviru IPA 2017 “Suzbijanje teškog kriminala na zapadnom Balkanu”, predstavnici Agencije su također prisustvovali i Okruglom stolu o povratu imovine, gdje je predstavljen Izvještaj o ocjeni sa stanjem u ovom sektoru i preporukama o putu ka efikasnom sistemu oporavka imovine u Bosni i Hercegovini.

Predstavnici Agencije su također u izvještajnom periodu nastavili učestvovati u aktivnostima Ureda Ujedinjenih nacija za drogu i kriminal (UNODC) u okviru regionalnog programa „Mjerenje i procjena organizovanog kriminala na Zapadnom Balkanu“, te dijela projekta koji se odnosi na Misiju procjene dostupnosti podataka u Bosni i Hercegovini.

Nakon što je Agencija, od strane Nacionalne tehničke grupe gdje je predstavljen Izvještaj o procjeni dostupnosti podataka – Izvještaj za Bosnu i Hercegovinu, ocijenjena kao institucija koja ima spremne pokazatelje o podacima predviđenim Misijom procjene dostupnosti podataka, u ovom izvještajnom periodu predstavnik Agencije je prisustvovao Četvrtom sastanku Nacionalne tehničke grupe gdje se raspravljalo o načinu unosa traženih podataka na osnovu korisničkog imena i lozinke koju je Agencija dobila od Agencije za statistiku Bosne i Hercegovine za pristup platformi, te iz svoje nadležnosti popunjavati UNODC bazu za prikupljanje podataka o organizovanom kriminalu.

Obuke koje su prošli službenici Agencije u ovom izvještajnom periodu su još jedna u nizu aktivnosti koje pružaju doprinos unapređenju rada i reformskim procesima javne uprave, te doprinose efikasnijem upravljanju oduzetom imovinom i utemeljenju kompletnog postupka oduzimanja nezakonito stečene imovine kao značajnog instituta u krivično-pravnoj normativi Federacije Bosne i Hercegovine.

Međuagencijska balkanska mreža za povrat imovine (BAMIN)

Agencija je u ovom izvještajnom periodu, kao i u prethodnim godinama, kao jedan od prioritetnih ciljeva u radu postavila i ostvarivanje novih kontakata Agencije s organizacionim oblicima u regiji koji su nadležni za preuzimanje i upravljanje oduzetom imovinom stečenom izvršenjem krivičnog djela s ciljem efikasnijeg, a po potrebi i koordiniranijeg djelovanja, te nastavak razvijanja dosad ostvarene međunarodne saradnje.

S tim u vezi, Agencija je od 2017. godine član BAMIN mreže (Balkan Asset Management Inter-Agency Network). BAMIN mreža je formirana 2014. godine i sastoji se od vladinih agencija iz devet zemalja Zapadnog Balkana koje su odgovorne za upravljanje i raspolaganje imovinom koja je oduzeta od kriminalaca. Članice BAMIN mreže su: Albanija, Bosna i Hercegovina, Hrvatska, Kosovo, Makedonija, Crna Gora, Srbija, Slovenija i Bugarska.

BAMIN mreža za cilj ima unapređenje međuagencijske saradnje u pogledu efikasnog upravljanja oduzetom imovinom stečenom izvršenjem krivičnih djela, njene eventualne prodaje ili povrata, te razmjene informacija o istom. U radu BAMIN-a učestvuju i zemlje posmatračici koje nisu s područja zapadnog Balkana, a koje svojim iskustvom doprinose razvoju boljih praksi u pogledu upravljanja oduzetom imovinom, a to su trenutno Ujedinjeno Kraljevstvo, Belgija, Irska, Ukrajina i Moldavija.

Predstavnici Agencije su u izvještajnom periodu prisustvovali na sastanku Upravnog odbora BAMIN-a, koji je održan u Podgorici od 12 – 14. 02. 2019. godine. Na sastanku su predstavljeni dosadašnji rezultati rada ove mreže, zatim moguće proširenje članstva, te buduće aktivnosti vezane za unapređenje oblasti upravljanja nezakonito stečenom imovinskom koristi.

Federalna agencija za upravljanje oduzetom imovinom je na ovom sastanku službeno preuzela predsjedavanje BAMIN mrežom za 2019. godinu od strane Agencije za upravljanje oduzetom imovinom Republike Sjeverne Makedonije.

U skladu s BAMIN Uputstvom o historiji, izjavama o namjeri, članstvu i funkciji, funkcija predsjedavajućeg je izuzetno velika, te je u skladu sa svojim obavezama kao predsjedavajuća, Agencija već započela sa nadgledanjem spoljašnje komunikacije u ime Mreže, te pripremama vezanim za godišnje aktivnosti BAMIN-a za 2019. godinu.

Agencija je u skladu sa funkcijom koju obavlja, nastavila sa aktivnostima na razmjeni mišljenja i iskustava, kao i poboljšanju i unapređenju međunarodne i međuinstitucionalne saradnje svih tijela u regionu koji upravljaju imovinom koja se oduzima od organizovanog kriminala i drugih oblika kriminala.

Kao predsjedavajuća BAMIN mrežom, Agencija će ove godine biti domaćin održavanja Generalne skupštine BAMIN mreže. Skupština će se održati u zadnjem kvartalu 2019. godine i ista će okupiti oko 90 učesnika iz više od dvanaest jurisdikcija smještenih na zapadnom Balkanu, istočnoj Evropi i državama članicama Evropske unije.

Uposleni u Agenciji su, osim kontakata ostvarenih preko BAMIN mreže, nastavili već unaprijed ostvarenu saradnju s agencijama iz regiona gdje su u redovnim kontaktima razmjenjivane informacije o oblicima oduzimanja, preuzimanja i upravljanja raz-

nim oblicima imovine, načinu rješavanja, pristupu i drugim pitanjima važnim za upravljanje imovinom stečenom izvršenjem krivičnog djela, te je ocijenjeno da su kontakti sa stručnjacima iz regije u ovoj oblasti i razmjena iskustava u daljem postupanju s tom imovinom bili od velikog značaja za dostizanje standarda Evropske unije u ovoj oblasti.

Saradnja i provođenje projekata kroz međunarodno finansiranje

Nakon ostvarenih konsultacija sa Direkcijom za evropske integracije koja je generalni koordinator svih aktivnosti TAIEX-a za Bosnu i Hercegovinu, Agencija je u ovom izvještajnom periodu nastavila već započete aktivnosti oko apliciranja za ruta mapu TAIEX-a. TAIEX (Technical Assistance and Information Exchange) predstavlja instrument Evropske komisije za tehničku podršku i razmjenu informacija, odnosno za pružanje kratkoročne tehničke pomoći novim državama članicama, te zemljama u procesu pristupanja Evropskoj uniji u oblastima preuzimanja zakonodavstva Evropske unije i njegovog provođenja u domaći pravni sistem.

U okviru TAIEX mape za Poglavlje 23, odnosno oblast „Vladavina prava“ za 2019. godinu, predstavnici Agencije su u izvještajnom periodu, nakon izvršenog procesa konsultacija od strane Evropske komisije i odobrenja 20 zahtjeva za Bosnu i Hercegovinu za 2019. godinu, aplicirali sa sedam zahtjeva za sredstva Evropske unije. Napominjemo da smo od strane TAIEX-a već ranije dobili povratnu informaciju da su naši zahtjevi opravdani i potpuni, te je za iste bilo potrebno promijeniti datume realizacije.

Od ukupno sedam zahtjeva za sredstva Evropske komisije, Agencija je samostalno aplicirala sa pet projekata i isti su se odnosili na upravljanje oduzetom imovinom, dok smo sa dva projekta, odnosno zahtjeva zajednički aplicirali sa Sudskom policijom Federacije Bosne i Hercegovine.

Kroz ove zajedničke projekte službenici Federalne agencije za upravljanje oduzetom imovinom i Sudske policije Federacije Bosne i Hercegovine nastavili su zajedničke aktivnosti na efikasnijoj primjeni Zakona o oduzimanju nezakonito stečene imovine, te time nastavili implementaciju ciljeva potpisanog Sporazuma o saradnji ove dvije institucije, što predstavlja nastavak koordinirane saradnje Federalne agencije za upravljanje oduzetom imovinom i Sudske policije Federacije Bosne i Hercegovine.

Osim TAIEX-a, predstavnici Agencije su u ovom izvještajnom periodu prisustvovali predstavljanju projekta – Početnog izvještaja EU4Justice koji se odnosi na podršku u borbi protiv organizovanog kriminala i korupcije u Bosni i Hercegovini.

Projekat se finansira iz sredstava Evropske unije, a implementira ga GIP Justice Cooperation Internationale. Opći cilj projekta je unapređenje učinkovitosti, integriteta i profesionalnosti institucija sektora vladavine prava, što će pomoći poboljšanju saradnje između tužilaštava i agencija za provedbu zakona u svrhu povećanja efikasnosti istraga u predmetima organizovanog kriminala i korupcije.

Projekat ima pet komponenti, a jedna od komponenti je i „Unapređenje sadašnje prakse i rezultata u pogledu zaplijene i oduzimanja nezakonito stečene imovine“. U okviru navedene komponente predviđene su tri aktivnosti u kojima će učestvovati predstavnici Agencije i to:

- provođenje analize u pogledu učinkovite primjene važećih zakona o oduzimanju nezakonito stečene imovine s fokusom na fazu pokretanja i preprekama za izvršenje;
- ocjena infrastrukture i raspoloživih sredstava agencija za oduzimanje imovinske koristi, odnosno identifikovanje potreba s posebnim naglaskom na informatičke zahtjeve;
- predstavljanje utvrđenih nedostataka relevantnim vlastima na svim nivoima i predlaganje rješenja specifično namjenjenim datim situacijama za dalju diskusiju (administrativna pomoć, međuagencijska saradnja, povećani resursi, revidirane i pojednostavljene procedure i slično).

Federalna agencija za upravljanje oduzetom imovinom je u svojstvu članice sektorske radne grupe za IPA II sektor Pravda i osnovna prava, učestvovala aktivno u izradi sektorskog planskog dokumenta za taj sektor. U sklopu tog dokumenta, kao jedna od aktivnosti je navedena i potreba za obnovom materijalnih, tehničkih i smještajnih kapaciteta institucija nadležnih za upravljanje oduzetom imovinom u BiH. Nadalje, Agencija je svoj doprinos dala i u sklopu izrade AD-a "EU Support to the Justice Sector" finansiranog iz IPA 2019 državnog paketa pomoći, tako što je predložila finansiranje izrade softvera i IT usluga. U skladu sa našim zahtjevom, od strane Ministarstva pravde Bosne i Hercegovine obavješteni smo da će podrška tijelima za upravljanje oduzetom imovinom biti dio pomenutog IPA 2019 AD-a, a čija implementacija bi trebala otpočeti, prema procjenama, tek početkom 2024. godine.

S obzirom na navedeno, Agencija je putem Direkcije za evropske integracije uputila zahtjev Delegaciji Evropske unije u Bosni i Hercegovini na razmatranje mogućnosti za finansiranje pomenute nabavke kroz tzv. *European Integration Facility* instrument, sa ciljem pomoći razvoju naše Agencije.

U izvještajnom periodu predstavnici Agencije su takođe na pismeni poziv ambasadora Kraljevine Švedske u Bosni i Hercegovini prisustvovali obilježavanju proslave Nacionalnog dana Kraljevine Švedske u prostorijama Zemaljskog muzeja Bosne i Hercegovine. Tokom prijema obavljen je razgovor sa ambasadorom Kraljevine Švedske prilikom čega je isti upoznat sa poslovima i zadacima koje su u nadležnosti rada Agencije, sa posebnim akcentom na upravljanje i održavanje privremeno oduzetih nekretnina koje su povjerene Agenciji na upravljanje.

Sastanci ovakve vrste će se održavati i u budućnosti u cilju dobre saradnje i efikasnijeg rada kada je u pitanju primjena Zakona i rad Agencije.

Saradnja između Agencije i drugih institucija

Kako je rad Agencije javan, te kako je Agencija dužna davati podatke o pitanjima iz svoje nadležnosti sredstvima javnog informisanja, a u skladu sa Zakonom o slobodi pristupa informacijama u Federaciji Bosne i Hercegovine i Uputstvom za provođenje Zakona o slobodi pristupa informacijama u Federaciji Bosne i Hercegovine, te po potrebi povremeno održavati i konferencije za štampu u svrhu ostvarivanja saradnje sa istim, jedna od aktivnosti Agencije u izvještajnom periodu bila je i unapređenje već postojeće saradnje sa Uredom za informisanje Vlade Federacije Bosne i Hercegovine, kao i sa domaćim medijima.

Želeći predstaviti svoj četverogodišnji rad, Agencija je upriličila informativni dan na kojem je javnosti i zajednici predstavila rezultate, te upoznala predstavnike pravosudnih institucija, kao i ostale prisutne o aktivnostima tokom provođenja postupaka za oduzimanje imovinske koristi pribavljene krivičnim djelom, kako tokom izricanja mjera osiguranja i privremenog oduzimanja imovinske koristi, tako i nakon donošenja presuda o trajnom oduzimanju u skladu sa Zakonom.

Svi prisutni su takođe upoznati da je Agencija i inicijator izmjena i dopuna aktuelnog federalnog zakona o upravljanju oduzetom, nezakonito stečenom imovinom, te da se izmjene između ostalog odnose na način izvršenja sudskih odluka o oduzimanju imovine i modalitete upravljanja privremeno oduzetom imovinom.

Iako je najmlađa institucija u Federaciji Bosne i Hercegovine, Agencija je etablirala u respektabilnu instituciju ove vrste u Bosni i Hercegovini i regionu, s veoma dobrim rezultatima i izgrađenim zajedničkim osnovama standarda uspostavljenih zakonom i normama Evropske unije.

Da je interes javnosti za ovu problematiku zaista ogroman svjedočio je i veliki broj predstavnika medija koji su objektivno prenijeli opredjeljenost Agencije za efikasnu borbu protiv korupcije, drugih vidova nezakonitosti i kriminala i dosljednu primjenu Zakona, te želju za izgradnjom društva u kojem neće biti isplativo baviti se kriminalom.

Kako bi se na najkvalitetniji način stvorile pretpostavke za kvalitetno i efikasno upravljanje oduzetom imovinom, predstavnici Agencije su u izvještajnom periodu nastavili, te dodatno učvrstili ostvarenu operativnu saradnju sa pravosudnim i tužilačkim organima u Federaciji Bosne i Hercegovine. S tim u vezi održano je više sastanaka sa predstavnicima tužilaštava i sudova, gdje se razgovaralo o nastavku primjene Zakona o oduzimanju nezakonito stečene imovine krivičnim djelom u Federaciji Bosne i Hercegovine i međuinstitucionalnoj saradnji prilikom donošenja i provođenja odluka o oduzimanje imovinske koristi u skladu sa odredbama istog Zakona.

Pošto Agencija ima značajnu ulogu u samom krivičnom postupku, koja se ogleda u osiguranju imovine koju joj nadležni sud povjeri, očuvanju njene vrijednosti i upravljanju istom u smislu sigurnosti i integriteta imovine, namjene i staranja do konačne odluke suda, odnosno završetka samog postupka, u razgovorima je dogovorena maksimalna saradnja u budućem periodu radi što kvalitetnije primjene Zakona u smislu adekvatnog provođenja odluka o oduzimanju nezakonito stečene imovine krivičnim djelom.

Osim toga, predstavnici Agencije su održavali redovne sastanke sa predstavnicima Sudske policije Federacije Bosne i Hercegovine, te vršili zajedničke pripremne aktivnosti i razmjenu operativnih informacija, kako bi u skladu sa ovlaštenjima i obavezama proisteklim iz sudskih odluka, postavljeni zadaci bili realizovani u cjelosti i blagovremeno.

Saradnja ostvarena u prethodnom periodu sa Federalnom upravom policije, nastavljena je i u ovom izvještajnom periodu, te je sa predstavnicima Federalne uprave policije održan jedan sastanak na kojem je precizirana i dogovorena trenutna i buduća operativna saradnja.

U izvještajnom periodu takođe je nastavljena saradnja sa specijaliziranim ustanovama sa kojima je Agencija zaključila Sporazume o saradnji u cilju adekvatnog čuvanja i upravljanja stvari od kulturne, historijske, umjetničke i naučne vrijednosti koje sud trajno ili privremeno oduzme od osumnjičenih, optuženih, osuđenih ili povezanih osoba.

Osim navedenih vidova saradnje, u izvještajnom periodu Agencija je ostvarila i saradnju sa organima vlasti i institucijama koje posjeduju skladišne kapacitete u cilju preventivnog djelovanja u slučaju proširenja nadležnosti Agencije na područje upravljanja trajno oduzetim predmetima krivičnih djela. Osim nastavka saradnje sa Operator-terminali Federacije d.o.o, sa kojima je u izvještajnom periodu produžen ugovor o korištenju skladišnih kapaciteta, predstavnici Agencije su u izvještajnom periodu održali sastanke sa predstavnicima Remontnog zavoda Hadžići, predstavnicima Zrak d.d. Sarajevo i predstavnicima Direkcije za robne rezerve Federacije Bosne i Hercegovine u cilju obezbjeđenja uvjeta za zaštitu i očuvanje vrijednosti oduzete imovine na najbolji mogući način. Na sastancima se razgovaralo o korištenju njihovih skladišnih kapaciteta u svrhu skladištenja motornih vozila i drugih stvari koje se po sudskim odlukama oduzimaju od optuženih ili osuđenih lica.

4.5. OPERATIVNI CILJ 5 – INICIRANJE IZMJENA I DOPUNA ZAKONSKIH I PODZAKONSKIH AKATA I DONOŠENJE PROVEDBENIH AKATA KOJI NORMATIVNO RAZRAĐUJU PROCES ODUZIMANJA I UPRAVLJANJA NEZAKONITO STEČENOM IMOVINOM

Zbog određenih izazova sa kojim se Agencija susretala u svom dosadašnjem radu, a koji se ogledaju u nedostatku ili nedorečenosti zakonskih i podzakonskih propisa koji uređuju čuvanje, održavanje, korištenje ili ustupanje i druge oblike upravljanja različitim oblicima imovine, Agencija je i u ovom izvještajnom periodu nastavila aktivnosti vezane za izradu provedbenih akata.

Navedene aktivnosti se realizuju s ciljem prevazilaženja problema, kako bi se upravljanje oduzetom imovinom u krivičnim postupcima odvijalo na efikasan i transparentan način, koji garantira zaštitu javnog interesa i odvija se u korist društvene zajednice.

S tim u vezi, Agencija je izradila radnu verziju Zakona o izmjenama i dopunama Zakona o oduzimanju nezakonito stečene imovine krivičnim djelom u Federaciji Bosne i Hercegovine, s detaljnim obrazloženjima koja će narednom periodu biti dostavljena u dalju proceduru, kako bi isti bio donesen.

Predmetna inicijativa odnosi se na izmjene i dopune dijela Zakona koji je vezan za modalitete upravljanja oduzetom imovinom, kao i na proširenje nadležnosti Agencije na upravljanje trajno oduzetim predmetima krivičnog djela, dok procesni dio Zakona koji se odnosi na postupanje tužilaštva i sudova, ostaje neizmjenjen.

Također, pored navedenog, i u ovom izvještajnom periodu, nastavljene su aktivnosti koje se odnose na izradu provedbenog propisa, odnosno podzakonskog akta, koji će na detaljan način propisati poslove i načine postupanja Agencije kod upravljanja

privremeno i trajno oduzetom imovinom. Međutim, preduslov za usvajanje ovog propisa jeste prethodno usvajanje izmjena i dopuna Zakona.

Predstavnici Agencije su kao članovi, u izvještajnom periodu prisustvovali na dva sastanka Radne grupe za izradu državnog Zakona o oduzimanju i upravljanju imovinom stečenom krivičnim djelom, čiji nosilac aktivnosti je Ministarstvo pravde Bosne i Hercegovine. Zadatak članova Radne grupe je da prenesu praktična iskustva u domenu upravljanja oduzetom imovinom, sa ciljem izrade što kvalitetnijeg teksta pomenutog zakona.

Jedan od prvih akata Agencije prilikom njenog osnivanja, koji je usvojen i donesen na osnovu zakonom određenih nadležnosti i pretpostavki načina obavljanja poslova u Agenciji bio je Pravilnik o unutrašnjoj organizaciji Agencije. Međutim, poučeni dosadašnjim radom u obavljanju poslova iz nadležnosti Agencije, kao i razmjenom praktičnih iskustava u pogledu funkcionisanja ovakvih institucija u zemljama regiona sa kojima je Agencija ostvarila saradnju, ispostavilo se da je važeći Pravilnik izgubio svoju prvobitnu svrhu, te ga je potrebno staviti van snage.

Iz tog razloga, u izvještajnom periodu je donesen novi Pravilnik o unutrašnjoj organizaciji na koji je Vlada Federacije Bosne i Hercegovine dala saglasnost Odlukom V. broj: 454/19 od 9. 5. 2019. godine („Službene novine Federacije BiH“, broj 31/19).

Prije donošenja Pravilnika, a u svrhu što kvalitetnije izrade teksta i rješenja predmetnog pravilnika, predstavnici Agencije su održali niz sastanaka sa predstavnicima Federalnog ministarstva pravde, te Ureda Vlade Federacije Bosne i Hercegovine za zakonodavstvo i usklađenost s propisima Evropske unije, kao institucijama koje u okviru svojih nadležnosti daju mišljenja na tekst pravilnika, prije donošenja Odluke Vlade Federacije Bosne i Hercegovine o saglasnosti na isti.

Novim Pravilnikom se na adekvatan način uređuju osnovne i unutrašnje organizacione jedinice, sistematizuju radnja mjesta, a sve iz razloga prilagođavanja stvarnim potrebama u načinu obavljanja poslova iz nadležnosti Agencije.

Na osnovu Zakona o finansijskom upravljanju i kontroli u javnom sektoru u Federaciji Bosne i Hercegovine, a u vezi sa odredbama Pravilnika o provođenju finansijskog upravljanja i kontrole u javnom sektoru u Federaciji Bosne i Hercegovine i Standarda interne kontrole u javnom sektoru u Federaciji Bosne i Hercegovine, Agencija je u izvještajnom periodu započela sa aktivnostima vezanim za uspostavljanje finansijskog upravljanja i kontrole.

U skladu sa navedenim sačinjeno je Uputstvo o uspostavljanju i razvoju finansijskog upravljanja i kontrole u Federalnoj agenciji za upravljanje oduzetom imovinom, čiji je cilj izrada plana aktivnosti za uspostavu finansijskog upravljanja i kontrole kroz jedan kontinuiran proces, odnosno sistem koji će identifikovati slabosti interne kontrole, utvrditi mjere koje su potrebne za ispravljanje uočenih nedostataka, osigurati praćenje i provođenje potrebnih korektivnih radnji, te izvršiti periodično procjenjivanje adekvatnosti internih kontrola.

Takođe je imenovana radna grupa koja je u ovom izvještajnom periodu započela proces donošenja Pravilnika o finansijskom upravljanju i kontroli u Agenciji koji treba

da uredi sistem finansijskog upravljanja i kontrole rada i poslovanja Agencije i utvrdi osnovna načela kojima se moraju rukovoditi uposlenici Agencije u izvršavanju svih radnih obaveza, a u skladu sa odredbama Zakona o finansijskom upravljanju i kontroli u javnom sektoru u Federaciji Bosne i Hercegovine, podzakonskim aktima, Standardima interne kontrole i dobrim praksama interne kontrole.

Radna grupa je istovremeno pristupila i izradi popisa, mapiranja i dokumentovanja poslovnih procesa, te sačinjavanju Mape poslovnih procesa Agencije. Mapiranjem procesa u knjigu procesa dobit ćemo cjeloviti opis procesa s ciljevima Agencije i njenog djelovanja, uočiti postoje li određeni nedostaci, te utvrditi povezanost između procesa i prilike za moguća poboljšanja poslovanja.

U skladu sa Smjernicama za upravljanje rizicima u javnom sektoru u Federaciji Bosne i Hercegovine, započete su i aktivnosti oko sačinjavanja Strategije upravljanja rizicima u Agenciji čija svrha jeste da poboljša sposobnost ostvarivanja strateških ciljeva i misije Agencije kroz upravljanje prijetnjama i šansama, odnosno kroz stvaranje okruženja koje će doprinijeti većem kvalitetu i rezultatima poslovanja.

U izvještajnom periodu su podzakonski akti Agencije usklađeni sa novim Kolektivnim ugovorom za službenike organa uprave i sudske vlasti u Federaciji Bosne i Hercegovine („Službene novine Federacije Bosne i Hercegovine“, broj 16/18).

Navedeni strateški ciljevi i aktivnosti Agencije u 2019. godini su u cijelosti bili usklađeni s odobrenim finansijskim sredstvima u Budžetu Federacije Bosne i Hercegovine za 2019. godinu.

5. BUDŽET AGENCIJE

Budžetom Federacije Bosne i Hercegovine (“Službene novine Federacije BiH”, broj 11/19) Federalnoj agenciji za upravljanje oduzetom imovinom za 2019. godinu odobreno je 802.000,00 KM.

Rashodi Agencije namijenjeni su za finansiranje plaća, doprinosa i naknada troškova zaposlenih, zatim tekućih izdataka i materijalnih troškova, te nabavku i održavanje stalnih sredstava.

Obezbjedenjem navedenih finansijskih sredstava stvoreni su uvjeti za pravilno i zakonito vođenje materijalnog i finansijskog poslovanja Agencije.

Pregled utrošenih sredstava iz Budžeta Agencije na dan 30. 6. 2019. godine

Rashodi i izdaci

Ekonomski kod	Opis	Izvršenje za period 1. 1 - 30. 6. 2019. (izražen u KM)
1	2	3
	UKUPNO RASHODI I KAPITALNI IZDACI	287.054
	UKUPNO RASHODI	287.054
6111	Bruto plaće i naknade	179.228
6112	Naknade troškova zaposlenih	24.439
6121	Doprinosi poslodavca	18.819
6131	Putni troškovi	2.472
6132	Izdaci za energiju	2.467
6133	Izdaci za komunikaciju i komunalne usluge	4.038
6134	Nabavka materijala i sitnog inventara	2.853
6135	Izdaci za usluge prevoza i goriva	2.670
6136	Unajmljivanje imovine, opreme i nemat. imovine	18.937
6137	Izdaci za tekuće održavanje	6.392
6138	Izdaci za osiguranja, bankarskih usluga i usl. pl. pr.	2.462
6139	Ugovorene i druge posebne usluge	22.277
	UKUPNO KAPITALNI IZDACI	0,00
8213	Nabavka opreme	0,00

6. RAČUN POSEBNIH NAMJENA KOJIM UPRAVLJA AGENCIJA

Na osnovu primjene Zakona o oduzimanju nezakonito stečene imovine krivičnim djelom i sudskih odluka po kojima postupa, Agencija u okviru svojih nadležnosti upravlja privremeno i trajno oduzetom imovinom. Jedan dio imovine kojom Agencija trenutno upravlja je i gotov novac koji je na osnovu sudskih odluka privremeno oduzet i povjeren Agenciji na upravljanje. Osim gotovog novca koji je privremeno oduzet i povjeren Agenciji na upravljanje, Agencija upravlja i novcem stečenim zakupninama od nekretnina koje su takođe povjerene Agenciji na privremeno upravljanje, a koje se izdaju pod zakup.

Sav taj novac nalazi se u banci na računu posebnih namjena koji je Agencija otvorila kod Union banke d.d. Sarajevo, a na osnovu dobijenog Mišljenja Federalnog ministarstva finansija broj: 07-14-4-1189/18 od 6. 3. 2018. godine.

Račun za posebne namjene je od izuzetne važnosti prije svega jer se na njega polažu novčani iznosi koji su privremeno oduzeti od vlasnika na osnovu sudskih odluka, tj. rješenja o određivanju privremenih mjera, i koji na istom ostaju sve dok sud ne donese konačnu pravosnažnu presudu, od čijeg karaktera ovisi da li će predmetna novčana sredstva postati prihod Federacije Bosne i Hercegovine ili će se ista vratiti vlasniku. Deponovanjem predmetnih novčanih sredstava na račun posebnih namjena

postiže se svrha Zakona, tj. osiguranje novčanih sredstava radi osiguranja naplate potraživanja Federacije Bosne i Hercegovine eventualno utvrđenog naknadno donesenom pravosnažnom presudom.

Pored navedenog, kako smo već naveli, na računu za posebne namjene, polažu se i zakupnine koje plaćaju zakupci nekretnina koje su sudskim odlukama Agenciji povjerene na privremeno upravljanje.

Na računu posebnih namjena se trenutno nalazi iznos od **547.465,46 KM**, kako je prikazano u sljedećoj tabeli:

Konto	Valuta	Stanje	Stanje u KM
5301110800 (001)	KM	334.651,58	334.651,58
5301110800 (001)	EUR	108.810,00	212.813,88
UKUPNO:			547.465,46

Od ukupnog novčanog iznosa koji se nalazi na računu posebnih namjena kojim upravlja Agencija, iznos od **329.851,58 KM** se odnosi na zakupnine nekretnina koje Agencija izdaje pod zakup, dok su ostala sredstva povjerena na čuvanje i upravljanje Agenciji, kao privremena mjera osiguranja nezakonito stečene imovine krivičnim djelom.

Pregled visine zakupnina za nekretnine koje su privremeno oduzete i povjerene Agenciji na upravljanje u izvještajnom periodu:

NEKRETNINA	MJESEČNI IZNOS ZAKUPNINE	IZNOS ZAKUPNINE ZA PERIOD OD 1. 1 - 30. 6. 2019. godine
Ambasada Kraljevine Švedske	11.000,00 KM	66.000,00 KM
„Amoniq“ d.d. Zenica	2.955,83 KM	17.734,98 KM
UKUPNO	13.955,83 KM	83.734,98 KM

Sva novčana sredstva koja se nalaze na računu za posebne namjene kojim raspolaže Agencija, će u trenutku kada se krivični postupci okončaju na način da imovina stečena krivičnim djelom bude trajno oduzeta biti uplaćena u Budžet Federacije Bosne i Hercegovine u skladu sa Pravilnikom o izmjenama i dopuni Pravilnika o načinu uplate javnih prihoda budžeta i vanbudžetskih fondova na teritoriji Federacije BiH („Službene novine Federacije BiH“, broj 9/17) pod stavkom „Novčana sredstva po osnovu primjene Zakona o oduzimanju nezakonito stečene imovine krivičnim djelom u Federaciji BiH – vrsta prihoda 723 143.

Broj: 01-02-3- /2019

Sarajevo, 10. 7. 2019. godine

DIREKTOR

Kenan Kapo